


清容居士集 附札記

一三







清容居士集

附札記

(三十)

袁 旌 撰

王雲五主編
張書集成初編
清 容 居 士
附 札 記
三十 冊

中華民國二十五年六月初版

撰 者

袁

桷

發 行 人

王

上海河南路
雲 南 路

五

印 刷 所

商

上海河南路
務 印 書 館

發 行 所

商

上海及各埠
務 印 書 館

美

清容居士集卷第五十

題跋

書正肅公懲忿窒慾題扁

忿、慾皆發之不中節者。桷嘗讀易之咸。以無心爲感。何思何慮。是則安有不正者哉。漢儒言感物而動。失旨多矣。先正肅公謂忿近於剛。以欲爲剛德。不足探本澄源。有合夫繫辭傳之說。故其平居奉身如玉雪。危言讜論。百壬交避。其剛之謂也。清齋端居。不邇聲色。此絕欲之效也。居朝不一二年。輒以直道去。湯文清哭公之詩。有曰。獨留事業在江東。真實錄也。從子瑛居龍虎。居室以四大字。昭示戶冊。且築象山之麓。爲精舍。審其傳授。保形以靜。老氏之說。養厥靈根。吾儒之說。是則安有忿慾。易曰。無有師保。如臨父母。正肅之訓。豈虛言哉。泰定二年上巳日。族孫具官桷再拜謹書。

跋正肅公手澤

吾宗由宋仁皇時。光祿公穀與祥符縣丞同舉開封。祥符後居東京。建炎兵變。祥符孫太保挈家從青州。軍以歸。是生太師衛公。厚德退讓。而光祿公家自朝奉公亦漸替。至正獻公入太學。師陸文安公。登淳熙辛丑第。衛公之子越公。從正獻游。考兩家南北之分。始得合譜。訖受學于正獻。癸卯歲。越公與計偕不赴。淳熙丁未登第。自是先後爲祕書省官。爲侍從。人咸曰。叔姪之盛。師生之榮。於是見之。正肅公見越公鄉。

薦時年始九齡。自是敦敍不絕。兩家厄於祝融之災。舊藏幾盡脫焉。以僅存者猶數十紙。從姪則瑛自龍虎還里。曰蒙齋先生遺愛在江東。社而祝之。罔敢墜。因以手澤二通。俾爲象山證契。曰大資同知。桷之曾大父。曰思贊府判。實則瑛之曾大父。噫。世運旣殊。喬木彫落。書其本末。願刻諸山中。以爲永久。泰定二年三月甲寅。族孫具官桷拜手謹識。

題從子瑛城門八詠

始余讀陶靖節諸賢詩。志意憤悱。抑其意而爲之言。蓋將以從其類也。五君八哀。杜子美規規然相近。羈窮不偶。故竊其似而爲之者焉。龍虎山爲道士據會。奇怪嶄削。率可以見於詠歌者。書於志。見於碑誌。跬步不敢以軼。而吾從子則瑛。作城門八詠以相示。首之以仙隱。言夫宗師創始之難也。曰茅山。易高士靈寶之創。首龍虎而終于茅山者也。曰天谷。慕真隱而不聘于外。詠蓬華之所居。則與天谷竝。或曰蓬華勝之。曰玄洲。三隱東城。慕其孝友。而能以肥遯自處者也。曰碧玉。則曰我越公之德未墜。粵昔旌陽公以厚德植樹。而奉祀有缺。懼不能以承噫。今爲方外流者。絕其本枝。而獨吳特進不若是。則瑛能亢宗。叔老矣。不復有望。異時見吾中散公朝。請公之子孫成立。非子也邪。

跋外高祖史越王尺牘

某伏以即日毒暑在候。正君子齋戒之時。共惟撫幹國錄。盜德在躬。默有神相。台候動止。倍介繁。福業歸老山林。一念不作。殊覺強健。不足云者。蒙示張公行狀。可發一笑。識者觀之。必有公論。建。邨以來。繼積寸累。車馬器甲。符籙一掃無遺。東南膏血。竭於叛亡。目今州郡窮匱。皆由當時不。邨國計。以償功名之心。某所不忍爲也。某此心天實知之。主上實知之。不邨後世之無聞也。吾人。

以謂如何。竹洲所寓什物無恙。幸置慮他觀。緡養以前光大。異時橫畫。慰區區之所期待。幸甚幸甚。五月日太傅保寧軍節度使致仕魏國公史浩劄子。

朱文公作張忠獻行狀。一出南軒之筆。不過題官位姓名而已。後致三敗事跡。始悔昔年不加審覈。歸咎南軒。然亦無及矣。符離之敗。陵陽李伯微甫載其事甚詳。今不敢爲忠定辨明。直書其所紀。曰符離之役。軍資器械。死亡殆盡。張魏公初聞之。疑虜人踵至。甚懼。卽軍中解所佩魚。遣歸朝官。太平州通判劉蘊古朝議大夫。使虜求和。僚吏有止之者。乃奏乞致仕。又乞朝廷遣使。孝宗不從。旣而虜人不復南。魏公乃謀再舉。上亦不從。及和議將成。魏公持之甚確。左相湯慶公因白蘊古之事。由是魏公遂絀。李與張俱蜀士。史筆不敢有所隱避。桷以外諸孫。尤宜尊所聞以傳信。忠定尺牘無一字失實者。此豈私喜怒而爲言者歟。泰定二年五月甲子。具官袁桷再拜謹記。

書瓶城齋記後

抑嘗觀易而得兌艮焉。澤以漸摩。言之於家者也。澤而不止。幾於險矣。節者所以懼其過也。當位以節。節斯通矣。艮者。總其身而身有止也。思不出位。艮道之致。因地以光而復降焉。斯謂之謙。謙非忘於事也。故鳴謙之象著而用節之。斯益困矣。凌侯商榷事物。默以全其機。清介自律。人莫有敢犯。戶冊之訓。深契易理。敢誦所聞而質諸良月。旣望越袁桷書。

跋汪龍溪外制草

崇觀詞臣。以扇對全語爲高。獨龍溪先生痛掃時弊。盡復元祐之舊。方羽書飛馳。顛沛道路。非如昔人夙

搆古語而德音四達。甚於奉天之感泣。不幸爲秦氏子。攘斥遠道。而先生迄不得再入矣。抑嘗考宋世內外制之作。至公而始備。故其翦裁也。有丁夏之風。其典雅也。備曾王之體。肆而不野。麗而不侈。則駸駸乎歐蘇矣。今觀手藁。遂書所聞。以寓仰止之意云。乙卯七月望日。袁桷書。

書劉貢父舍人種竹倡和詩後

元祐元年九月。蘇文忠公以中書舍人爲翰林學士。十一月。劉仲馮。孔經甫。爲左右史。蘇文定。曾子開。爲中書舍人。蓋同月除書也。劉公由祕書少監入掌詞命。蓋與大蘇公相後先。孔常甫則猶在著作廷。兄弟父子。嗚呼盛矣哉。鄧右丞熙寧間。以九制之譽。積十年爲承旨。自負灑疆。詎淺淺耶。嘗攷元祐初元。實維丙寅。姤遯之基已萌。是歲溫公薨。黨論興。詩禍作。馴致宣政紹興丙寅。秦相擅持。南北分裂。遂定。至於開禧。則罪歸于韓。咸淳罔上之罪。昭于賈氏。不十年而宋亡。治少亂多。明于天人者。未嘗不深知之。噫。前乎乾德天聖之際。又何其盛也。今歲距丙寅。僅僅十禩。文明之運。誠在于此。仰止先哲。感慨係之。丙寅人。袁桷識。時延祐乙卯。十有二月庚寅也。

跋蘇子美帖

滄浪翁中年書。猶未精詣。後沈鋼黜落。浩然之氣。悉心用資。以爲翰墨。祁公號婦翁。竟公密友。終不能爲之道地。前代法律之嚴若是。

書蒲傳正左丞帖

左丞蒲公文學政事。熙寧元豐之時，號爲名流。後出爲亳州，未幾以揚易杭，皆東南要郡。此手帖蓋由毫入覲時所作也。蜀由孟氏以來，無兵革鬪爭，文士迭出。至元豐時，爲翰林學士者十餘人，公其一也。宋世仁英正史，皆公纂修。今藏史院可考。皇慶癸丑，桷得與其裔孫道源同爲史屬。蒲爲西蜀大族，三卯之變，徙興元者，獨能保其宗家譜，整備遂以先越公所藏左丞公手澤歸之，以永其傳。噫，綸言汗簡，皆家世舊物。桷無以進議，厥今理學宏闡，實始於春陵周元公。元公之道之學，實蒲公紀其事，立賢無方，願於諸孫有以廣之。會稽袁桷書。

跋懷素揮翰帖

懷素書多才翁兄弟所書。至明昌諸賢，尤競習此體。余在都下所見凡數十卷，皆僞贗可考。獨此唯宣和舊物，審爲非臨模者。

跋柳公權書清靜經

韓氏閱古堂清靜經，乃越石氏家藏舊物。石居新昌，慶曆時刻此帖，後入復古。方韓貴盛時，遂得此帖。悉有紹興圖璽，此籤標光皇手題。石氏墨本失之，拘紹興本失之，瘠韓本失之，弱今覩真蹟，硬黃古紙，松煤老色，無纖粟繆妄。視昔三本，真碻碻也。龍集戊申至大改元甲子日，桷謹審證于後。

跋顏真卿誥

前人多疑祖父誥，非其子孫所可書。魯公舉進士，開元年已長成，昔人誥勅，必擇能書者填補。從唐考之，

徐季海之於其父嶠之是也。從宋考之。蔡君謨米芾是也。此卷舊入思陵復古殿。後入祕書省。先越公爲祕丞時。掌圖籍。凡唐相誥皆入錄。蓋德壽晚歲。悉以前賢誥入祕省故也。今李紳誥及徐顏諸誥。皆舊物。審定無疑。

書舊作九華臺賦後

潛庵鄭先生。兩入翰林。纂修凡例。多出其手。于時桷亦補史屬。適相後先。未幾除江西儒學使者。所居近玉堂。矮屋脫粟。不堪旅瑣。先生清言介行。每言數百年承平事不絕口。桷不揆。參錯承接。時則有新安汪尙書孫漢卿爲供奉。廬山曹端明子愚爲編脩。此數公者。皆先世情好。而桷以外舅祕閣公敍宗盟於相府。事契彌相厚也。先生生於淳祐甲辰之重九日。先侍郎因之以命名。家居築九華臺。深致意焉。于時桷實賦之。由江西歸里第。不數年而捐館。其子公許以門功入官。來京師。攜混元山居題詠手澤一卷。而九華臺賦實附于後。俯仰疇昔。邈不可得。而桷不自知止。因循翰苑者今十五年矣。學不加進。而道日益損。異日當假道青溪。拜先生之墓。驗昔時手植之花木。因以有推其子孫之興盛。願嗣以記之。延祐三年三月己巳。袁桷書。

書李巽伯小楷夢歸賦

趙子固
有跋

洛陽李巽伯。建炎初。同朱希真避難南來。名望文學。與希真相上下。而作字體製。亦復相似。希真書相鶴經。朱文公評之矣。余嘗聞先生長者言。黃長睿崇寧間游洛陽。作九詠楷書深刻。故一時洛人皆師慕之。

希真巽伯。又其似之者。字學廢已久。宣和立書學。主上所好。乃薛稷禁經。所謂字則長而逾制者也。則朱李二公。寧得爲博士耶。希真嘗和巽伯詩。伊水嵩雲未歸得。說平生處淚浪浪。蓋與夢歸同意。又曰。琴書擲驚眼。文字更過人。巽伯翰墨之妙可知。今觀趙子固評書。力宗元常。而宋朝習鍾書。惟黃朱李三人。暨姜堯章子固耳。余嘗見丙舍帖。徐浩模本。出尤端明家。又見褚河南摹力命表。唐本。皆纖濃逾潤。至比閣絳宣示表。如出二手。則學鍾書者。猶可置論。乙酉歲。余見今翰林承旨趙公子昂於杭。于時愛堯章書譜。手之不釋。逾三十年。趙公小楷妙天下。是蓋脫其形似。而師其神俊。此卷舊藏南康黃可玉。可玉嗜古剛絜人也。後授其徒董君有能。能寶之。願質諸承旨公。作書評焉。俾勿壞。延祐五年八月乙卯書。

題東坡嶺表書歸去來辭贈卓契順道者

東坡先生居嶺海。惟卓契順巢。元脩不遠數千里。芒鞋問訊。元脩有傳。而契順止書歸去來辭與之。如有欠恨。桷於德常家。始獲見真蹟。落墨淋漓。光透楮背。見者皆竦然以起敬。而元脩傳非精熟蘇文者。未嘗接識。昔人以鼎彝傳遠。謂於監觀有補。德常宜廣刻。使家有其書。任恤之道。見於盛世矣。

跋吳丞相繳京湖帥賻陳清敏帖

嘉定十一年。先越公與清敏公同在殿廡。實得吳毅甫丞相爲第一。清敏之薨。丞相深德之。爲作書闡帥。于時賈相年未四十。方折節慕名。丞相書至。詎敢靳嗇。清敏子孫。又安得以不家於喪爲辭。故事大臣薨。有旨州郡治喪葬。深恐後人不知。以清敏公家爲有請。故表其本末若是。

書世綸堂雅集詩卷

吾鄉盛時。比屋皆故家大官。咸淳賈相擅國。絕惡四明。由是衣冠皆爲月集。悉不敢議時事。卒至國亡。無賣降于外者。當至元末年。諸老先生猶亡恙。時則有深寧王先生師表模範。世綸雅集。猶有洛社耆英之遺意。甫三十有四年。風塵變更。乘虬上征。無有一人在者。覽先郡公之遺墨。不勝悲慕。世綸主人於是下世亦二十年矣。楨以契家子。猶得從封胡羯末之後。願相與勉焉。以圖無斃。

題樂生詩卷

詩於唐三變焉。至宋復三變焉。派於江西。變之極有不可勝言者矣。劉南嶽少年以詩自名。晚歲獨尊楊廷秀。考於風雅無是體。參於唐宋無是體。以斷絕直致爲工。叱咤轉旋。駸駸乎江湖之靡者也。吾鄉前哲所爲詩。做韓而不能博。師蘇而不能宏。然卒無江西之弊。誦建安黃初之作。推而至於風雅。則亦有徑庭矣。定海樂君之才。以一編介蔣君玉度示余。且求敍引。噫。詩不能以易言也。觀其平淡者合自然。孤絕者得深悟。繪物不鄰于巧琢。至境合心會。灑然百谷之泉。必達於衆流。是亦於詩非積學有源者不能是也。余終老林泉。異日相尋於寂寞空絕之地。相與酬倡。又將盡其說焉。

書孫僉事訓子八字說

一貫之旨。忠恕而已。其語簡而易明。大賢之教人曰。不妄語。聖人之教子。則曰。立與言二字而已。過於文則漫不加省。切於近則易以自持。孫公濟川之家訓凡八字。曰。吾將以訓于家。吾子之果能爲儒也。必將

由是以得名。使不至焉。則守斯言也。其不爲小人之歸也明矣。求余言以增警。遂書以歸之。俾勿墜。濟川子名某。日不廢學。將以儒術起家。桷老矣。猶將見之。

書党承旨篆杏壇二字後

翰林承旨党公篆法妙一時。所書杏壇二字。刻于曲阜。藹然風零之意。千載一日也。衍聖大宗南徙三衢。設祀有廟。傳嫡有緒。今郡守趙侯敬之。髣其舊址。築壇於旁。昭揭二字於其上。有新豐肖似之意。見堯於牆。著存不忘之義也。若曰思其居處。孔氏子孫萬世不怠。是則趙侯之用心良厚矣。泰定三年二月。具官袁桷拜手謹記。

書吾子行篆書陰符經

唐世陰符始大行。原於李筌。成於李靖。貞觀皇帝始酷好之。命褚河南凡書一百九十本。貞觀之意。蓋廣用兵之說耳。李筌託神姥之言。乃曰。上有神仙抱一。中有富國安民。下有彊兵戰勝。又妄增六注以惑後人。然終不可悉解。而吾子行復書之。何耶。唐人作篆。惟書千文。蓋懼學者之未易察也。徐鉉作項王亭賦。仿李陽冰。裴公德政碣之遺意。子行沈困市隱。豐碑巨碣。不能以自見。寫其幽曠。託焉以自逃者也。余嘗聞善書者。大篆不得入小篆。隸書最懼入八分。使子行在。吾願相與評焉。

題劉明叟詩卷

大裘無文。良玉不琢。質至美而無可揀擇也。言爲心聲。而詩章之衍溢。則又若必事於模範。論至於理盡。

所謂模範者特餘事耳。黃太史嘗言寧律不諧，不使句俗，以建安黃初之法較之，似若有病。然太史所爲詩，鍛鍊之工，過於前人，其所謂不諧者，蓋其變體耳。吉安劉明叟示余詩一編，不事雕飾，意氣凌厲，理勝而語完，嶮谷之竹，合於自然，不假按抑，而宮商敷宣，各當其職，手之不能以釋，因以夙昔之所聞者，書于後而歸之。

題閔思齊詩卷

唐詩有三變焉。至宋則變有不可勝言矣。詩以賦比興爲主，理固未嘗不具。今一以理言，遺其音節，失其體製，其得謂之詩與。隴西閔思齊示所爲詩，沖澹流麗，疊疊做唐人風度，寄興整雅，將駸駸乎陶韋之畦町矣。近世言詩，莫不以三百篇爲主，經緯之分，茫不知所以。由遠自邇，漸入魏晉，詩寧有不工者乎。思齊敏而且勤，輟食忘寢，和平多而淒怨少，氣完體充，不以沮折爲可撓，事物之來，處益有暇，故其見於心聲者，無羈窮不偶之意，讀其詩，以余言爲證，斯得之矣。

書吳明之文編後

始余見閩清吳明之于成均，神度秀朗，游于公卿，將以奇言直氣，感動鈞說，輒同坐席，復與一時之能文詞者，聲摩度測，守繩合則，駸駸乎班馬之軌轍，而建安黃初之餘事，將力進而不肯止也。余旣得請歸隱山中，江浙挽余以校文，會有亡子之戚，旬日卽出，後知明之試進士不中，幸不余誚，而深病有司之不察也。暨來四明，將返閩中，示其所爲詩文若干卷，讀之不能置，是誠得于遠游者多矣。見聞窘于州閩，春檣

之適。不足以自廣。而冒萬里者。多大言以賈禍。若明之之游歷。漸靡薰陶。悉輯於翰墨。藉爾求配於古人。誠不爲過。使果有遭。吾見其揚于王庭。清遠自儀。潤色敷釋。詎止于是。編之所述哉。因書以爲異日之俟。泰定三年十月有二月辛未朔。見一居士袁桷書。

題雲岡圖詩卷

王侯叔能守會稽。將悉意山水。以攄其夙慕。下車未幾。沿省檄治船事。往來市衢。意若有不樂。值寧侯善繪事。命作雲岡圖。朝夕觀覽。蘧蘧栩栩。見似人而喜者也。余嘗聞巖居谷隱之士。有言夫細旃廣廈。未嘗不心掉目駭。而久居朝廷者。志念專寂。凡其可喜可愕之事。皆不足以動。故其於山林之趣。介乎其不拔。一使肥遯。將終焉以無悔。若是則賦此圖者。其爲招隱乎。其爲反招隱乎。

書馬元帥救荒事實後

司獄永嘉林君萬里。彙次元帥馬公救荒事實一鉅編。俾有言。嗟夫。斂散之法。不行於今。爲牧守者亦難矣。因時之凶。復抑其直。是則於商旅奚有望焉。董煇輯救荒書。至盡至美。迄莫能有遵其說而行之者。病在於執一。虛心以求。則今馬公之政。其近之矣。林君之編曰。台民四十九萬有奇。其粟率糶者一十四萬七千有奇。糾於富家。幾三萬石有奇。當是時。以一郡之民。能動于上聽。其出粟至于一十有四萬。非身任其責。所爲文書不大懇切。不能至。是富民遭荒。抑損以售。亦必有道。數盈于三萬。則其便不便有不得已而然者也。視瘠而坐弊。仁人之所不忍。邀名以幸成。夫豈仁人之用心。馬公之政。集衆思以爲其佐。林君

之爲首奉行而不失者。皆公所辟佐吏凡五人。見於所行事實。不復著記。禮之言曰。三十年之通制國用。量入以爲出。馬公耆德碩望。將參預于天朝。願以今之所行爲權。而以經制告于廟堂焉。則得矣。

書孫孝子事實

余待罪翰苑。見友人張希孟、郭幹卿所爲孫孝子碑及序引。卓卓表著。二友非取佞以悅夫人者。今歸老田里。又見程琚、孟夢恂、二文士作孝子傳。事益詳密。文雖不同。而紀載各有條理。信矣哉。事至實者。易於言。孝非以干名而名隨之。是見信於州里。有不得揜焉者矣。五典之常心之固有。聖人設爲司徒以職其教。唐虞之世。見於旌表。是則上古猶有失其良心者。今觀孝子之行事。悉合於五典。刻意肥遯。乃今起家入御史府。策名振德。政事施設。皆其素所蓄蘊。觀風宣化。家至而戶喻。矧今爲澄清使者。薄敦儒立。反其澆漓。惇行孝悌。悉以其躬行施于七郡。不亦美乎。孝子今爲浙東肅政僉事。名楫。字濟川。泰定二年二月甲辰。前史官袁桷書。

書戒壇儀後

余居鄰開元寺。其戒壇精嚴肅靜。過者莫不悚息。間遇度僧。必一往閱之。見其結跏藉草。持怖畏想。口誦加護不絕。天神炳靈。至有登壇仆絕。不能終事者。由是雖孳夫惡子。率罔敢廢懈。噫。使常持是心。安有所謂地獄也耶。悟心源律師。定上壇結夏等儀式。願廣施諸方。使人人如初受具足戒時。清淨法海。與大雄氏告衆無異。不然。酒池肉林。罪劫可勝道哉。

書大般若經關後

大雄氏以汪洋廣博之說。喻於羣迷。萬緒千說。故其爲書。讀之茫然不知畔岸。師其說者。始作關籥以抽其祕。由是旁行側注。機要立具。夫相從心起。食息之際。其來無端。卽其書以求。似若未盡。捨相以求。則所謂一者。猶以爲形跡也。皇祐庚寅。有僧省悟。以三藏法師大般若經通關。重加按定。至皇元泰定甲子。實相距二百七十五年。時有演忠律師。其名亦曰省悟。復爲聲聞入道行位記三卷。補昔時之未備。殆與前哲夙相脗合。體一分殊。吾儒之說。近世釋氏率竊取以爲祕。探索於毫釐之際。殊失其旨矣。自博而約。吾於是書深有取焉。悟師類其書簡密。將與後來者共。異時執一以持。捨一以悟。則觀是書者。爲入道之軌轍明矣。

書文宗周祕藏圖詩卷

宗周法師作祕藏圖。深取吾儒一貫之理。昔濂溪周先生衍太極圖。體一而用異。歸其異于同。則用猶一也。斐然默契。不能已于言。而法師春容鏗鏘。振孤桐之遺響。發天籟之靈竅。又率其講下。珠聯璧耀。將極其深造。不出乎祕藏之旨。而其融液變化。雖億萬猶以爲未盡。歸一之效。于是乎見。桷老矣倦游。相望南湖。跬步還往之便。願自此始。

題疆上人疊秀軒賦後

楚之詞不作久矣。晁無咎氏始分其言爲二。淵乎得其微旨。離騷九歌。判不相合。漢魏而降。一而爲之。纘

密者爲揚馬。反復悲悼。漢帝所謂鄰於楚之聲也。左太沖融液藻繪。能爲一繼者。不復若是。晁氏豈虛語哉。吾鄉高端叔先生。作變離騷。直與古昔相抗。而或者謂羈窮不偶。怨悱不得以自振。今疆上人作驃騎山賦。及疊秀冽清二賦。手而讀之。誠駸駸乎古作矣。渡江以來。諸賢蹈襲蘇學。以雄快直致爲夸。詩與文率相成風。科舉學盛。屈宋不入於口耳。積弊幾二百年。山林枯槁之士。尙何能冀其髣髴。是則皆吾徒之罪也。上人語精意新。無模擊之弊。言道也。師遠游。託興也。鄰九辯。嗟乎。余老矣。上人當勉之。投閒謝事。願相與過從。將復見於雪竇玉几諸山斯幸矣。泰定二年閏月乙亥。清容居士書。

書禪林備用

周官擯相行祀。升降玉帛之事。禮爲禮。儀爲儀。何謂禮。執以告王者是也。儀者。陳設綴兆之位。一定而莫易者也。經籍旣焚。淹中之出不全。後人以意損益。僅見於朝著。若少儀。內則。弟子職。所當行於家庭。一切廢棄。儒先屢致意焉。釋氏之教爲三宗。見於動作日用。不敢一有犯越者。爲律宗。達摩之學則不然。調伏於準繩之外。放形骸。黜邊幅。守禮者莫能與之辨。而其從心不踰矩。卒有合於自然。是則繕性之效。略外以理內。於斯見之矣。淫慾嗔恚。皆謂之道。大雄氏託言爲喻。將以語夫上知。愚者不察。悉得以自恣。職教者憂之。於是爲清規而曲爲之防。數百年來。遵守罔替。世愈薄而俗愈侈。奇袤曼美。充滿區宇。澤山咸大師。始輯廣其未備。詢于耆舊。證于編簡。作備用十卷。以拯其極壞。其勤苦之志。於是書足以見之。余嘗聞咸師縛律以爲禪。守其師說。不肯以從于人。清嚴峻整。講道不輟。頑薄敬避。其死也尤奇偉。余愍夫吾儒

之教。淪弊若是。使有若斯人者。一正之。斯得矣。序其書。所以識吾徒之未能也。

書鹽上人慈照師行述後

佛氏之言。以理譬。廣釋心性。其言汪洋浩博。譯潤有工。拙而體製。則一可得而同也。宋世諸儒言理者。率不以文字爲工。論考古昔。措于五經。則或有疑者焉。太史公敘事幽顯。變化猶龍焉。不能以名狀。後世宗之。編年之法。幾絕。而今世所爲誌碣行述。悉祖襲。莫能有違者。夫發揚會粹。因其事之實而爲之也。反復致意。傷其不偶而表之也。豐功鉅績。被于弦歌鼎彝者。則又皆太史之事。荒林絕壑。曠達沖澹。非有道之士。不能爲其言也。言佛者三宗。而習禪學者。必以悟入爲證。將從其言邪。則質野不足以傳遠。引而刪之。又懼不與其道合。鹽上人示所爲慈照師行狀。泊兮若玄酒之致其誠。韜兮若綱衣之蒙其飾。逞奇闡幽。大小委折。各當其職。合儒者之辭。以盡緣飾。包括纖粟。絕其疵俚。是其言也。傳信永遠。爲無疑也。余嘗聞慈照師剛毅貞固。內外有則。故所至成立。上人文足以發之。因書以告其同志。俾入石勿墜。泰定二年十月丙申。清容居士書。

題轟上人詩卷

華嚴極天下之富麗。樹下塚間。又何其岑寂邪。乃知豐儉博約。從心以生。芥子須彌之喻。豈虛語哉。觀轟上人西隱亭榭諸詩。有遍法界之道。將隨境以觀。懼其多岐而亡羊也。揜關息機。真游於混沌之鄉。萬幻俱滅。胸中樓閣。豈土木丹漆之所能成。吾將與上人一叩其戶牖焉。

題雪竇平禪師詩卷

大梁張武子來吾鄉。始正唐律。由是禪林悉守其法。雖頌古詠物。清切婉潤。足以追配牧之商隱。怡雲師蓋一時與之從游。近朱近墨。豈虛語哉。由今而論。獨僧詩猶能守格律。而吾徒一切直致。恬然不事修飾。觀此足以泚頰。龜石寺號小院。然多出名輩。怡雲師之漸摩灌漑。於是乎見。

題雪竇潛師語錄後

用潛師住清涼。先郡公將挽主定水。未幾上雪竇不果。幼歲祝髮於觀禪師。不久而觀謝世。乃痛自卓立。游諸方。能采其所長。不專於一師。而其貫通融會。憊然猶以爲未足。由是瓣香之酬。靳未肯出。禪林有疑。而桷獨能採用潛之意。佛之學道。非止一悟。用潛能深知之。今世禪人之病。在於望風承嗣。以希進用。而居顯路者。旁收曲誘。了不相涉。其弊日甚。推用潛之用心。玩其語言。有至死不休之意。廣其傳。將以愧夫今世之弊。庸敍於前。足以知余言之非妄也。

書笑堂偈頌後

拈花微笑。大雄傳道之旨也。不笑不足以爲道。老子憤世之論也。近世禪人。掃跡削機。謂微笑爲疵病。卒致漫誕。不可救藥。影響既絕。而道益無所見聞。禪師在淳祐間。羣公傾下。以平實爲法門。因西律師之請。號爲笑堂。是深得迦葉之要領。感而遂通。夫豈虛語也哉。西律師已下世矣。其徒寧上人能寶此卷。倘以聲色觀虛空。將大笑矣。泰定三年某月某日。清容居士書。

題俊老語錄

顯仁藏用。非言不足以宣。而絺辭繪句。悉墮於浮繁。唯大雄氏絕其萌芽。刊落無文。土苴瓦礫。不足以喻其拙也。由是禪宗沿襲。千士一律。使人冥行。不知其所謂。畔岸明極。長老以其示世語。俾有敍。蓋其不得已於言者。歸於大樸。而其足以陶冶性情。見之於歌詩。發之於言辨。聲從字順。使人得以知其指示。非過爲椎魯。以誑盲聾者。余壯歲讀四家語。於育王瑛禪師曰。語有實地。有證地。若華嚴所演。豈空幻哉。明極語將大行於世。敢敍以證之。

跋觀禪師石菖蒲賦後

廖寺丞賈相之門客。于時方歌舞湖山。沈酣恣縱。不知有泉石清事。觀禪師持此以奉。鋪敍宏麗。末章以主賓輔仁功爲急。用意深矣。厥今湖曲淒迷。藤蔓一色。不知此本流落何所。言此可爲於邑。

跋觀禪師摩利支天贊

觀禪師此贊。爲賈相作。維釋迦慈悲廣度。勅諸天以護衛濁世。非黨私滅公。徇其所請。江上祈和。乃拘留信使。罔上以爲奇功。使終日梵唄。香雲滿室。神其吐之矣。觀師言語不迫。隱然恤緯之憂。厥後師潰身竄。三尺童孺。猶指罵不絕。桷幼歲親覩其事。今老矣。尙忍言之。

書薛嚴二道士雙清編

余幼好讀黃庭真誥二書。私謂學古調詩。當準其音節程度。後讀陳子昂李太白諸賢詩。飄飄然清逸沖

遠。纖言腐語。刊落俱盡。則知二書要其標準矣。渡江諸賢。明切理性。間爲禪人偈語。謂與風雲川上相表裏。詩道浸廢。而所謂道家者流。方自治其學。不復寄適於吟詠之末。噫。實吾黨有以使之然也。臨川道士危功遠。以雙清詩一編示余。攷其歲年。儒者之言。詩者正絕。而薛嚴二師。方往來龍虎山中。搜遐挈緒。求遺音於魯壁之旣壞。宮商相宣。更迭振響。豈久於其道而能化者與。夫學詩而爲魏晉有道之語。亦少近古。其不至成就。力不逮焉耳。習簡易近體。遽謂理趣。譬之酒焉。因其薄醪。而強以三齊玄酒第之。不幾於過矣。二師詩足以昌其道。余獨惓惓焉致意而不置者。愧吾徒之學爲可愍。而不在於今日之弊也。薛君志行絜清。不自表眩。觀妙公嘗尊異之。嚴亦簡整。自治功遠云。

跋

永樂丙申冬十月八日。予得此清容居士集。奈何蟲鼠損傷。卷目失次。乃於暇日補治。序其先後之目。故得以全其美。斯集也。雖未敢宗以爲億世之法。然蓄書者。亦得以備一時之製作也。不亦可乎。畏齋王肆識。

諡議

古之君子。淬礪澡雪。脩之于家。而揚于天子之廷。以成其德業之美者。學道與守身二者而已。蓋造道之深者。言不期乎文。而自文。持身以約者。位不期乎清。而自清。理則然也。故翰林侍講學士袁公。以清脩雅重之資。濟之以博綜宏肆之學。漁臘經史。上下古今。蓄之厚。資之深。脩詞立誠。出爲世用。鏗鑄炳耀。大縱厥詞。等屈賈而上之。視六朝而下弗有也。茲非所謂文乎。自筮仕至于請歸。積三十年。寵膺殊渥。踐歷清華。再入集賢。八登翰苑。柄文衡。掌帝制。與謀國論。藻飾太平。歸潔其身。始終一致。茲非所謂清乎。以之節惠。實曰稱情。謹按諡法。博聞多見曰文。臨官潔正曰清。合而言之。諡曰文清。奉訓大夫太常博士王瓊謹議。

元故翰林侍講學士知制誥同脩國史贈江浙行中書省參知政事

袁文清公墓誌銘

集賢侍講學士通奉大夫兼國子祭酒蘇天爵撰

國家有文學博洽之儒翰林侍講學士袁公諱桷字伯長慶元鄞縣人也故宋少傅同知樞密院事資政殿大學士贈太師越國公諱詔之曾孫中散大夫知嚴州軍州事皇元贈嘉議大夫禮部尙書上輕車都尉會稽郡侯諱似道之孫朝列大夫同知處州路總管府事贈中奉大夫浙東道宣慰使都元帥護軍會稽郡公諱洪之子年二十餘憲府薦茂異于行省授麗澤書院山長不就大德初羣賢萃于本朝聞公才名擢翰林國史院檢閱官秩滿陞應奉翰林文字同知制誥兼國史院編脩官遂遷脩撰凡歷兩考遷待制又再仕進拜集賢直學士久之移疾而還復遣使召入集賢仍直學士未幾改翰林直學士知制誥同脩國史明年遷拜侍講積階奉議大夫泰定初辭歸四年八月三日以疾終於家享年六十有二是歲十一月某日葬鄞縣翔鳳鄉上水慶遠塋之原訃聞制贈中奉大夫江浙等處行中書省參知政事護軍追封陳留郡公諡文清維袁氏遠有世序宋嘉祐間有諱穀者舉進士歷官朝奉大夫知處州其後龍圖閣學士正獻公燮兵部尙書正肅公甫父子俱號名儒越公於祥符丞數爲曾孫師事正獻尹臨安十餘年爲政嚴明事載之史公生富貴爲學清苦讀書每至達旦長從尙書王公應麟講求典故制度之學又

從天台舒岳祥習詞章。既又接見中原文獻之淵懿。故其學問核實而精深。非專事記覽。譁衆取寵者所可擬也。世祖皇帝初得江南。故宋衣冠之裔。多錄用之。而宣慰公屢被恩命。公在館閣。一時耆舊。若閻公復。程公鉅夫。王公構。雅愛敬公。故蒙薦擢。時海宇乂安。年穀豐衍。而詞林清華。無官守言責。日惟譔著爲職。朝廷有大制作。公從諸老獲議其事。成宗皇帝初建南郊。公進十議。曰天無二日。夫日猶不得有二。五帝不得謂之天。作昊天五帝議。祭天歲或爲九。或爲二。作祭天名數議。圓丘不見于五經。郊不見于周官。作圓丘非郊議。后土社也。作后土卽社議。三歲一郊非古也。作祭天無間歲議。燔柴見于古經。周官以禋祀爲天。其義各旨。作燔柴泰壇議。祭天之牛角繭栗。用牲于郊。牛二合配而言之。增羣祀而合祠。非周公之制矣。作郊不當立從祀議。郊質而尊之義也。明堂文而親之義也。作郊明堂禮義異制議。郊卜用辛。魯禮也。卜不得常爲辛。作郊非辛日議。北郊不見于三禮。三禮尊地而遵北郊。鄭玄之說也。作北郊議。禮官推其博。多採用之。仁宗皇帝自居潛宮。深厭吏弊。及其卽位。多出獨斷。設進士科以取士。貢舉舊法。時人無能知者。有司率諮於公。而後行。及廷試。公爲讀卷官二。會試考官一。鄉試考官二。取文務求實學。士論咸服。公在詞林幾三十年。扈從于上京。凡五。朝廷制冊。助臣碑版。多出公手。常奉詔脩成宗。武宗。仁宗。三朝大典。至治中。鄆王柏柱。獨秉國鈞。作新憲度。號令宣布。公有力焉。詔繪王像。命公作贊。賜之。公述君臣交脩之義以勵王。王九重公學識銳。欲譔述宋遼金史。責成于公。公亦奮然自任。條具凡例。及所當用典冊陳之。是皆本諸故家之所聞見。習于師友之所討論。非牽合剽襲。漫焉以趨時好而已。未幾國有大故。

事不果生。公歿二十餘年。今天子特敕大臣董譔三史。先朝故老存者無幾。衆獨于公。追思不忘。會遣使者分行郡國。網羅遺文古事。而江南舊家尙多畏忌。祕其所藏。不敢送官。公之孫同知諸暨州事。曦乃以家書數千卷來上。三史書成。蓋有所助。初世祖建宗廟于京師。至仁宗崩。七室已滿。乃結綺爲室。以祔英宗。親行祫享之禮。始議增廣廟制。乃作新廟爲十五室。公亦預其議。公會祖妣陳氏。封周國夫人。祖妣王氏。妣史氏。楊氏。元配鄭氏。竝追贈會稽郡夫人。子男三人。長璋。早世。次瓘。贈承事郎。同知奉化州事。次瑾。女四人。長適同知袁州路總管府事趙孟貫。次適故觀文殿大學士趙某孫由錫。次適故相史忠定王玄孫公佾。次適處州路儒學錄余應桀。孫男三人。曦。以公蔭入官。旣進。遺書于朝。遂擢祕書監著作郎。次曄。次孫女三人。長適浮梁州判官范瑾。次許適陳某。次幼。曾孫男二人。公生七日。史夫人卒。長事郡公極孝。教子孫有法。待宗族盡恩意。中外姻婭。皆宋名族。家庭嚴肅。吉凶之禮。不廢其舊規。每以務學脩行。勗故家子弟。俾自愛重。無爲門戶羞。公喜薦士。士有所長。極口稱道。公之南歸。會史館將脩英宗實錄。今中書左丞呂思誠。翰林直學士宋瑩。河南行省參政王守誠。皆新擢第。公薦其才。堪論譔。天爵與焉。公于近代禮樂之因革。官閥之遷次。朝士大夫之族系。九流諸子之略錄。悉能推本源委。而言其歸趣。袁氏自越公喜藏書。至公收覽益富。嘗曰。余少讀書有五失。泛觀而無擇。其失博而寡要。好古人信行。意常退縮。不敢望其失。懦而無立。纂錄故實。一未終而屢更端。其失勞而無成。聞人之長。將疾趨從之。輒出其後。其失欲速而好高。喜學爲文。未能蓄其本。其失又甚者也。公之斯言。深中學者貪多苟且之弊。公爲文詞。奧雅奇

麗日與虞公集、馬公祖常、王公士熙、作爲古文論議、迭相師友、間爲詩歌唱酬、遂以文章名海內、士咸以爲師法、文體爲之一變、公有易說若干卷、春秋說若干卷、清容居士集五十卷、嗟夫、昔宋南遷、浙東之學、以多識爲主、貫串經史、考覈百家、自天官律曆、井田王制、兵法民政、該通委曲、必欲措諸實用、不爲空言、然百年以來、典型風流日遠、故公之葬、謹序而銘之、來者尙有所徵乎、銘曰、

懿歟袁公、博極羣書、矢辭淵淵、佩玉舒舒、海宇旣一、興自江左、諸老見之、孰不曰可、進掌帝制、列官詞林、討論憲度、講求古今、於時朝廷、日興典禮、祖廟天郊、以享以祀、三聖信史、纂述宏休、羣士選舉、務拔其尤、不有學識、孰承其責、惟公雍容、斟酌損益、陳編墜簡、公證其訛、識時歸休、山林浩歌、世有鄙夫、空空如也、覆忌多能、係時用舍、公富著述、粲若日星、銘詩弗刊、垂後是程、

清容居士集原本無序文。不知其刻於何年。字體秀整雅潤。出一手。亦不知其寫者何人也。明永樂間。此本已殘闕。有王君肆爲釐正之。卷末附諡議及墓志銘。已是寫本。數百年來。不散亡於兵燹。不敗壞於朽蠹。卷帙如故。殘闕弗增。幾佚而存。其可寶貴爲何如哉。鈔本爲毛君生甫從嘉定錢少詹事辛楣先生精鈔。校本傳寫出。偶有與原本違異。足證原本舛誤。余幸其可據。凡原本脫衍淆譌。輒以刪易增補。疑者存之。至兩本脫誤同者。率條列之。間附臆見。庶爲博考者一助云。又其詩文中。竝多跳行空字。以明所尊。今悉依鈔本去之。而一一記其所空若干字。其有原闕文。及殘闕無可據補。則仍空之。俾讀是書者。得睹本書體例。至元代蒙古色目人。其名顯著者。敬遵欽定翻譯遼金元人地官名錄改正之。而注舊作某某於本文下。若卒難檢核。姑仍其舊。凡改正者。亦著是冊。道光二十年四月朔日。郁松年泰峯氏記。

重刻清容居士集札記

上海郁松年秦峯氏謄

原本每葉二十行，每行十六字，字仿趙文敏體。

目錄上

第五卷 三月十二日自殿廡歸舍，原本自下空一字，今不空。

第六卷 秋泉伯生，伯後題作德誤。夜泊夾馬營，夾鈔本作甲，後題同。攷宋史作夾，鈔本誤。

第七卷 送宋誠夫押送交趾使，夫後題作甫。送林以道歸括蒼，括鈔本作括，案括蒼地名，當从手，鈔本

不誤。集中多从木旁，今仍之。題何仲博棣華堂，案是題後無詩。

第九卷 扈蹕開平，王趙公八十應制。劉邢公九十應制，原本扈下應下，竝空一字，今不空。

第十卷 永新氏義門，原本新下空一字，後題同，今仍之。送柳唐佐出守懷孟，懷原本作淮，鈔本作懷，案

後題亦作懷。攷元史地理志，懷慶路，初名懷孟，路無淮孟地名，此誤，今改。答吳門穎上人，穎鈔本作

穎誤。

第十二卷 韓參議嘉慶圖，嘉鈔本作家，案後題同，而第三卷張希孟嘉慶圖，前後題皆作嘉，疑此後題誤。

早朝興聖宮，進史明仁殿，十一月十四日駕至京師，原本朝下，史下，日下，竝空一字，今不空。

第十三卷樵溪堂樵鈔本同後題作巢。

第十六卷子規詞三首三原本作二鈔本同案後題作三詩正三首此誤今改。御天門聽詔原本聽下空一字今不空。

目錄下

第十八卷慶元路重修先聖廟記原本元下無路字鈔本有案後題同。又是卷前有慶元路鄞縣學記慶元路醫學記此明脫今補。

第二十三卷送薛景詢教授常熟序詢原本作荀鈔本作詢案後題文竝同此誤今改。

第三十三卷外祖母張氏墓誌誌鈔本同後題作記誤。

第三十六卷左丞相阿爾哈雅爾哈雅原本作力海涯今改。右丞相拜珠珠原本作住今改。

第三十七卷太傅右丞相巴延巴延原本作伯顏今改。皇女贈齊國大長公主案後題某國字闕攷元

史公主表呼圖克台默色公主裕宗女也係趙國舊作忽答迭迷失公主集中迭作的與闊里吉思傳同蓋譯音無定字也傳中初追封齊國後加趙國集中制詞是初追封者作齊不誤後題當補齊字。

第三十八卷進五朝寶錄表。賀冊皇太子表。二。賀武宗皇帝登極表。賀皇太后表。賀聖節表。三。

賀皇太后冊寶禮成表。賀皇太后正旦表。三。賀皇帝表。冊皇太子賀皇太后表。賀太皇太

后正旦表。進仁宗皇帝寶錄表。賀皇太子受冊表。二。賀皇太子正旦表。三。賀千秋節表。二。

賀皇后正旦牋原本進下賀冊下賀下冊下竝空一字今不空

第四十五卷魯國大長公主圖畫奉教題原本奉下空一字今不空

第四十六卷書陸子履賀復熙河詩後履原本作禮鈔本作履案後題文竝同此誤今改

第四十八卷書焦節婦傳後婦原本脫鈔本有案後題同今補書鄭魯公嘗充達庵記後嘗原本作常

鈔本作嘗案後題同今改

第四十九卷書赫合哩通甫詩後赫合理原本作紇石烈今改

第五十卷跋吳丞相繳京湖帥賻陳清敏帖京原本作荆鈔本作京案後題同攷南宋開禧間置荆湖制

置於江陵嘉定間移易襄陽改曰京湖制置而跋文有爲作書闔帥于時賈相年未四十方折節慕名云云賈相者似道也似道於淳祐六年九月除京湖制置使知江陵府則當作京明矣今改書吾子

行篆書陰符經後吾原本作吳後題與文同鈔本作吾原本誤今改說見後

卷第一

導游賦墜余以言鈔本同或作貽案漢書鄒陽傳雖墜言於吳非其正計也蘇林曰墜猶失也賦句蓋本此或說非是

椿堂賦余游上京在昔大帝原本游下空一字昔下空八字今竝不空

仁壽賦合江老人杜下原本空二字今仍空來京師歌帝德原本來下空一字歌下空二字今不空

紅梅賦。葆光突貞。突原本作案。鈔本作淺。說文。淺。水名。突。淺也。是突爲淺淺之淺。正字。經典通作淺者。假借也。自淺行而突字隱矣。賦用正字。作突作案者。涉帖體而誤。今改正。

冬窩賦。聞于朝。原本于下空一字。今不空。

榕軒賦。如印如顯。印原本作昂。鈔本作印。案賦本詩大雅作印。原本誤。今改。

隱居圖賦。悼白雲之何往。之字原本漫滅。今據鈔本補。

卷第二

廣招。蹠蹠蹂躪。蹠原本誤題。鈔本作蹠。今改。

七觀。虛者爲音。虛字原本漫滅。今據鈔本補。小字書文後志學之歲下。原本空一字。今不空。

哀蘭操。盱江吳允文。盱原本作盱。鈔本作盱。案漢書地理志。豫章郡南城下注。盱水西北至南昌入湖漢。

原本作盱誤。今改。

黃可玉哀辭。余來京師。原本來下空一字。今不空。

林彥栗哀辭。再見于京師。卒于京師年十有。原本于下竝空一字。今不空。年下有下竝空一字。今仍空。

卷第三

徐母表閭詩序。有詔表閭。原本有下空一字。今不空。

舟中雜詠十首。第八首。誰能別媼妍。媼原本作噉。誤。今從鈔本改。

車行二十八韻。舊慙朝飧薄。案說文。飧。舖也。舖。日加申時食也。朝飧不辭。疑飧爲滄。說文。滄。餐或字。伯生詩律清遠。少與之比。嗟歎不足。復次韻二首。伯原本作德。鈔本作伯。案前題是次伯生韻。此復次韻。

目錄作三次韻。作德誤。今改。

蔣商卿。敍其先人客金陵。與先子事契。末章復以見屬次韻。原本與下空一字。今不空。暮歸詩。壤壤殊未歇。壤壤。鈔本作攘攘。案史記貨殖傳序。天下壤壤。从土。鈔本誤。別吳養浩十首。第五首。幽風爲之吟。風。鈔本作風。案與雲爲對文。疑鈔本是。

卷第四

送馬伯庸御史奉使河西第一首。承詔撫疲甿。原本承下空一字。今不空。

善之僉事兄南歸述懷百韻。興文植清劭。劭。原本作邵。案清劭本潘岳楊武仲誄。雋聲清劭。劭。美也。从卩。誤。今改。

送趙虛一道士降香南海諸名山詩。厓。厓。絕登眺。厓。原本作广。案广。唐韻集韻魚檢切。說文。因广爲屋。象對刺高屋之形。厓。唐韻呼肝切。說文。山石之厓。巖人可居。象形。集韻籀作厓。六書本義。厓。水崖高者。岸厓同。是厓。厓。當作厓。作广。誤。今改。

送人之官遼東。原本題下無注。或寫增吳郡張淵清夫。鈔本亦有。今未補。

卷第五

雨後聞鶯詩。昨宵殷其雷。殷原本作隱。鈔本作殷。案殷其雷本詩國風。作隱誤。今改。

三月十二日自殿廡歸舍。原本自下空一字。今不空。

芳思亭序。是則先公之志。詩侃侃尙書公。原本則下侃侃下竝空一字。今不空。

卷第六

題高彥敬桑落洲望廬山圖詩。人坐江湖在適意。坐鈔本作生。案詩是題望廬山圖。坐字義明。作生恐非。秋泉伯生仲章梅叔章周儀之皆次余韻。題廬山圖。再次韻以謝。伯原本作德。鈔本同。目錄作伯。今改。

詩頗怪我輩勞鑿鑿。原本作搜。案前詩韻是鑿字。不容岐。今改。

謝王參議送練春紅二枝詩。簌簌輕紅冠羣綠。簌原本作藪。鈔本作簌。案元稹連昌宮詞。風動落花紅簌。簌字从竹。从艸。誤。今改。

送郭天錫還京口詩。簌簌疑絮玄霜浮。簌原本从艸。誤。人言擔簞古奇遇。擔原本作檐。鈔本作檐。原本誤。今竝改。

仲章與余連舟而行。仲章指畫皆不在人後。夜泊夾馬營。余舟適先至。仲章有詩。因以奉戲。詩。昨宵夾

馬營前宿。夾原本竝誤。甲。今改。

黃臨汝以長句索筆次韻。中山尹君被羈束羈。原本作羈。鈔本作羈。案羈縶與羈旅別。此羈束當从羈。今改。

題李廷弼歸安去思碑詩。原本掉頭據案難奉符。下空十二字。今不空。
送錢唐萬戶還鎮詩。願趾世嫩輝皇朝。原本輝下空一字。今不空。

近有善書僧日温妙明云云。第一首興來握筆弄春妍。握原本作掘。鈔本作握。原本誤。今改。
賦金華方君雙魚硯詩。共飽雲腴作寒玉。原本腴字漫滅。今據鈔本補。

卷第七

宋誠甫押送交趾使之武昌。甫鈔本同。目錄作夫。案十二卷中亦作誠夫。此偶異。

過高郵湖詩。原本瓢囊扶攜出城東。下空三字。今不空。

次韻黃松瀑自廣信見寄詩。原本林林碑臺刻新出。下空一字。小臣捧詔渡江南。注時奉旨刻八分。

孝經。原本捧下空二字。奉下空四字。今竝不空。

卷第八

李宮人琵琶行。原本望瀛風翻浪波急。下空五字。今不空。

龍尾歌。原本恣言茶錦不當價。下空三字。今不空。

廬陵老人百一歌。西蜀環山堆錦繡。西原本作四。鈔本作西。原本誤。今改。原本老人年周一甲子。下空

九字。今不空。

東湖詩。村家緯木棉。棉原本作櫛。鈔本作棉。案玉簫櫛。木有子似栗。棉。木名。廣韻二仙棉。屋聯棉。又木棉。

樹名。吳錄云。其實如酒杯。中有絲。如蠶絲。可作布。又名曰縹。羅浮山記曰。正月花如芙蓉。結子方生。葉子內。絲至蠶成。卽熟。廣州記云。枝似桐枝。葉如胡桃葉。而稍大也。攷陳唐時所云木棉。蓋指粵中赤花如樹者而言。非今紡織之木棉也。今之木棉。本名吉貝。出林邑。宋末始入中國。雖同名木棉。其實非也。與櫛尤異。元時木棉始盛。至設木棉提舉司。皆通作棉。無作櫛者。又廣韻一先二仙皆無櫛字。則韻當押棉明矣。作櫛誤。今改。真宮永世鍵宮。原本作官。鈔本作宮。案上有臺殿觀主等字。以文義求之。應作宮。今改。注拜正肅公祠。拜正獻公墓。原本拜下俱空一字。又復宿鹿野下空一字。今竝不空。遠遊詩。虹綢結遐思。虹綢鈔本作蛛網。

卷第九

次韻善之雜興七首。第六首下。帷鄰草色。鄰。鈔本作憐。

鬢亂侍諸父。拜雙峯祠堂云云。第三首。雨荒蟲蝕拱。拱。原本作拱。鈔本作拱。原本誤。今改。第五首。鬱鬱越公祠。原本鬱鬱下空一字。今不空。

魯子翬御史分按遼陽。作長律五十韻。愛其精密。予今歲亦扈蹕開平。因次其韻。原本扈下空二字。今不空。詩。德啟無疆服。疆原本誤疆。鈔本作疆。今改。

王趙公八十應制十韻。劉邢公九十應制十二韻。原本應下竝空一字。今不空。

卷第十

題張宗魯編修詩集。何人妙解清新句。清原本作精。鈔本作清。案清新本杜詩。作精誤。今改。
慰曾道士。慰原本作尉。鈔本同。目錄作慰。此誤。今改。

永新某氏義門。原本某字空。今仍空。

送柳唐佐出守懷孟詩。河山環抱暫分符。抱原本誤挹。鈔本作抱。今改。

賦文子方質。簷亭竹影五首。第三首。瑣窗午色墨花鎔。瑣。鈔本同。案第三句云。日曛黃離金瑣碎。此不當

重瑣字。以文義亦當作鎖。今兩本字同。無他本可據。仍之。第三首。濃淡渾疑搗硬黃。搗。原本誤搗。鈔

本作搗。今改。

送玉筍山聶道士詩。墨閣小春刊畫錄。閣。原本作閣。鈔本作閣。案玉篇。小閨謂之閣。門旁戶也。閣。樓也。原
本誤。今改。

卷第十一

昌上人游京師云云。及穎秀自異者。穎原本作穎。鈔本作穎。案晉書祖約傳。有汝穎之士。利如錐語。故唐
書蕭穎士之穎。或作穎。今穎秀連文。自當从禾作穎。从水非。今改。

次韻王繼學詩。風前攬鏡二毛疎。攬。鈔本作覽。

元日朝迴第二首。指點薇垣頌六符。指點原本作點。指。鈔本作指。點。原本誤。今改。

偶述末章答繼學述。原本作術。鈔本作術。竝誤。案目錄作述。今改。

卷第十二

早朝興聖宮次韻。原本朝下空十一字。今不空。

送湛師校經回杭詩。暨著青鞋侍帝庭。原本侍下空一字。今不空。

進史明仁殿書事。詩。香浮黼坐仰龍顏。原本史下空一字。仰下空八字。今竝不空。

送石上人還江西詩。圓帽方袍入帝都。原本入下空一字。今不空。

省中議事回元達有詩次韻。詩。烏帽黃塵久帝城。原本久下空一字。今不空。

甲子立春詩。天門上聖啟瑤圖。原本門下空七字。今不空。

卷第十三

春日奉旨侍祠太乙。朝罷觀齋中紅梅花。原本奉下空十字。詩第二首紅鑪橫簇化工收。下空二字。今

竝不空。

歸德王瓊母表閔詩。寶奩香瑣繡羅衣。瑣鈔本同。案文義似當作鎖。

子昂逸馬圖序。桷舊與殿廬詳定。原本與下空十字。今不空。

楊節婦傳。楊原本作揚。鈔本作楊。案揚子雲之揚當从手。見其自敘。餘姓俱从木。目錄正作楊。此誤。今改。

張氏承祐堂詩。白頭舉按話尊璋。按原本作按。鈔本作案。案按與案通。若案几之案則从木作按。攷曾鞏

耳目志。孟光舉按齊眉。俗直謂案几耳。呂少衛云按乃古椀字。故舉與眉齊。原本誤。今改。

竹西詩。廣招閩闔風。闔原本作閩。鈔本作閩。案淮南子天文訓。西風爲闔闔風。原本誤。今改。

卷第十四

子昂墨萱扇爲湖南楊晉母作。楊原本誤揚。鈔本作楊。今改。說見前。

次韻禮部李公二首。第一首。擣入帝京。原本擣下空一字。今仍空。入下空八字。第二首。鵝袍林立萃

天京。萃下空一字。今竝不空。

次韻郭巖卿詩。原本慎勿逞說窮。雕鏹下空二字。今不空。

謝賜法酒次韻。題范京尹同會秋闈。天使傳召命溫問。試策貢士。賜以法酒。臣桷等望闕再拜。原本闈下

空一字。傳下空八字。命下土下。竝空一字。望下空八字。詩五雲闈闔祥鸞流。下空九字。雞翹蚤歲

承宸旒。傳宣溫訓。慎去取。承下空七字。傳下空一字。宣下空十一字。願上史館書徽猷。書下空十字。

今竝不空。

次韻王正臣書史試院書事二首。第二首。疎星出樹闈。案燈光閃閃。原本闈案燈光閃五字漫滅。今據鈔

本補。

次韻席士文御史六首。第四首。始信明時取士寬。始原本誤姑。鈔本作始。今改。第六首。不使輿言負聖

明。原本負下空六字。今不空。

挽王尙書第二首。皮弁終辭徵。徵鈔本作召。案廣韻十六蒸。徵召也。明也。成也。證也。六止徵五音配夏。則

徵召字無上聲。此疑誤。然後挽成。都何德之處士詩。非辭魯生徵。亦作仄聲。則非傳寫譌也。仍之。
趙令人題注。永陽郡王與茱萸。茱萸本作蘇。案玉篇。茱萸胡戈切。草名。蘇先胡切。桂屬。廣韻十一模。蘇紫蘇草也。又姓。八戈。茱萸草名。明是二字。流俗以茱萸爲蘇。省文。疑鈔本誤。切茱萸爲蘇。遂寫作蘇耳。
劉伯宣中丞挽詩。原本身後騎鯨下大招。下空一字。今不空。
播州宣撫楊資德挽詩。原本幼成端有種。下空五字。今不空。
至治丞相挽詩。原本重玄開葆命。下空十一字。今不空。

卷第十五

松林詩。昔日相傳爲界址。原本界字漫滅。今據鈔本補。草青青枯無盡愁下。大車下。俱漫滅二字。

松花落子下。採薪之人不辭下。俱漫滅一字。鈔本竝空。今亦空。

送金華王生詩。芸笈秋消蠹。笈原本誤茂。鈔本作笈。今改。

開平第三集序。扈蹕開平。原本扈下空十三字。今不空。

次韻薛玄卿南還題驛第二首。曉揚黃庭眼未迷。揚原本誤楊。鈔本作揚。今改。
榆林詩。感秋此爲重。神武開帝京。原本重下空十二字。開下空一字。今竝不空。

龍虎臺詩注。沙磧水多伏流。下空九字。今不空。

李老峪詩。少憩倚厓。厓原本誤。今改。說見前。

重午聯句詩原本蟾蜍下空一字今仍空
嘉禾圖詩苞簇綬受紋受鈔本空此疑誤。

卷第十六

開平第四集序有旨原本有下空一字。宮中闕無人聲下空十二字。閏五月下空一字今竝不空。
開平十詠第十首皎皎三伏日皎皎原本作皎皎案說文白部無皎字玉篇同攷皎說文訓月之白也玉
篇云月白也亦皎也皎白也又珠玉白兒則日不可云皎皎而說文玉篇日部無皎字攷玉篇日部皎
明也則鈔本作皎者當是皎字之誤今改。

李老谷山水深類先公墓田左右原本類下空一字今不空。

盧彥威與余同待制云云詩注彥威再醮一日卽病以終日鈔本作月。

御天門聽詔原本聽下空一字今不空。

內宴第二首不須瑤柱詫南烹瑤鈔本同似當作璫案說文瑤玉之美者璫屨甲也璫柱江璫柱也原本
烹下空六字今不空。

卷第十七

龍贊又原本百穀下空三字今仍空。

仁廟御書除官贊於赫仁考原本赫下空十四字。如歲之春下空一字今竝不空。

至治丞相眞贊。又陟降帝所翼翼是承。於赫寶璽。原本降下。承下。赫下。竝空一字。今不空。

英廟御書開經偈贊注。時爲皇太子。原本爲下空一字。今不空。

自贊。幼承父師之準繩。原本承下空一字。今不空。

瑞檜贊。上干帝青。干原本誤于。鈔本作干。今改。

卷第十八

慶元路鄞縣學記。原本可謂盛矣。下空一字。是歲下。其何以稱下。俱空七字。今明詔四出。今下。

桷雖官下。俱空一字。今竝不空。

鄞山書院記。原本惟朱文公下空六字。今天子興是學。今下空一字。今竝不空。

鄞縣興造記。原本凡五十有下。越明年下。竝空一字。今仍空。

西洛書院記。亦近得請于朝。原本于下空一字。今不空。

建城夫子廟堂記。今天子下詔。原本今下空一字。今不空。

封龍山書院重修記。故其居朝廷也。食息不忘茲山。原本居下空一字。山下空十四字。今竝不空。曰杠。

曰某某字空。今仍空。爲翰林屬下。空十三字。實將以佐下空一字。今竝不空。

慶元路醫學記。遵詔旨立醫學。予自京師還里。今皇宇恢廓。廣天子好生之德。原本遵下。自下。今

下俱空一字。廣下空十五字。今竝不空。

昌國州醫學記。秦漢之主。率望海求不死藥。率原本誤卒。鈔本作率。今改。復遵詔旨。原本遵下空一字。今不空。

定海縣重修記。原本實東南之奇觀也。下空十一字。曰吾受下。空十二字。今竝不空。

浙東廉訪司重建澄清堂記。原本貢賦之夥。下空二字。今不空。必假於守令焉。守原本作首。鈔本作守。案下文卽云守令不能以公其心。此誤。今改。原本往會中奉公于下空一字。于以見下空四字。今竝不空。

定海縣學藏書記。念昔在殿廡。原本在下空一字。今不空。

慶元路重修先聖廟記。遣詣王朝。原本詣下空一字。今不空。

卷第十九

馬元帥防倭記。必傳詔令。於茲有年矣。制置其事。卽宜諭上意。原本傳下空一字。矣下空十二字。事下空五字。諭下空八字。今竝不空。

兩浙轉運鹽使分司記。有不登于天府。原本于下空八字。今不空。

鄞縣小溪巡檢司記。原本猶能記髣髴也。下空五字。今不空。

吳江重建長橋記。原本有善士姚下空二字。今仍空。廣中三梁。爲丈三百以通巨舟。丈鈔本同。案上云

長一千三百尺有奇。此丈亦當作尺。三百尺已三十丈。舟雖巨可通。云丈三百似誤。今兩本字同。無他本可校。仍之。

順堂記。遴其母以妻孥之私。若是耶。母原本誤母。鈔本作母。今改。

積慶堂記。捧制書。知所以近天子之光者。原本捧下空六字。近下空九字。今竝不空。

竹鳳石屏記。原本在昔下。空六字。至治元年前。空十二字。方今下。在至元間從下。俱空六字。今竝不空。

友恭堂記。原本十居其六七焉下。其病首在是下。竝空一字。今不空。而翁授首之授。鈔本作實。秦

定元年前。下空一字。月下空二字。今仍空。

賀蘭堂記。原本則俗愈定。下空三字。今不空。

卷第二十

東山精舍記。近而甚頌且文。頌。鈔本作謙。案說文頁部。頌。兒也。兒。頌儀也。漢書儒林傳。魯徐生善爲頌。師古曰。頌。讀與容同。記文本此。鈔本作謙者。乃流俗不知頌義。妄改耳。

桂山堂記。原本上饒周君下空二字。今仍空。

張尙書救荒後記。原本浙東副帥下空二字。張公名下空一字。今仍空。

晚香堂記。承詔爲祠于衡山。原本承下空一字。今不空。

玉冠記原本二月甲申下空七字今不空。

海會庵記予由京師回原本由下空一字今不空。

資教寺修三門記原本延祐下空二字今仍空。

妙果寺記原本寶鑑十卷下空四字。願殿下振復時武宗皇帝。卽以詔旨。以稱聖天子崇重之意。

願下空一字。時下空十三字。卽以下空二字。以稱下空十四字。今竝不空。

石夫人廟記原本加福祐下空十三字。其何以稱下空一字。今竝不空。曰蘇君下空一字。今仍空。

信州自鳴山加封記原本扈從下空一字。敢詣下空一字。是歲下空二字。三十一年下空六字。今

竝不空。天師張下空二字。今仍空。今天子禮奉祠祭。今下空十字。遂復請于下。紹定之際下。

俱空一字。今竝不空。

隱仙記原本將除下。獲官下。竝空一字。今不空。

通玄觀賈道士記原本會有數薦于下空一字。今不空。

卷第二十一

王先生困學紀聞序。進于朝廷。原本于下空七字。今不空。

高一清醫書十事序。兢兢惴惴。惴惴原本誤惴惴。鈔本作惴惴。今改。苦意冰蘖。蘖鈔本同。案文義疑當

作蘖。

四明志序。原本夫豈偶然也哉。下空四字。今不空。

李景山鳩巢編後序。見于京師。原本于下空一字。今不空。

劉內翰文集序。侍先處州府君。原本侍下空一字。今不空。

卷第二十二

韓泗州老人詩序。原本又四十年下。空十三字。君美書來。下空一字。今竝不空。

張氏宗譜序。迎而數之。迎。鈔本作逆。

臨川危氏族譜序。原本於桷下。桷來下。竝空一字。今不空。

陳元吉韻海序。敢誦所聞。而以序之。因原本誤回。鈔本作因。今改。

鄆城馬節婦詩序。相濟以成者也。累下詔郡縣。常會以奏書。原本也下空七字。下下以下俱空一字。

今竝不空。

袁氏舊書目序。始曾大父。至用高祖妣。原本始下。用下。竝空一字。今不空。以償宿昔所志。宿。鈔本作

夙。

袁氏新書目序。雅觀而無擇。雅。鈔本作泛。

文子方安南行記序。原本是誠盜臣也已下。空十三字。以奉貢下空一字。今竝不空。

白季清母夫人受新封詩序。原本至于是大備。下空六字。定其格入奏。下空二字。咸大賚之下。請

于下俱空一字。今竝不空。

蓬萊閣詩序。同官于朝。原本于下空一字。今不空。

鄭原善思親詩編序。廣信鄭君。移忠云自茲。莫不欲榮其親。原本廣字。忠字。欲字。竝漫滅。今據鈔本

補。余嘗於殿廡識之。原本於下空一字。今不空。

周彥祥存樂堂詩序。原本誠可悲也。夫下空七字。今不空。

白鶴詩序。原本二月有下空一字。惟今下空十二字。以承下空一字。今竝不空。

春臺詩序。原本涵疇下。今屬下。戶册下竝空一字。今不空。

曹伯明文集序。來京師。原本來下空一字。今不空。

卷第二十三

送鄧善之應聘序。益無忌於世。忌。鈔本作志。

送范德機序。四方士游京師。原本游下空一字。今不空。

送祝道士南歸序。原本取江南首下。嘗言之下。歲以下。竝空一字。今不空。

贈宣城汪澤民登第歸里序。原本已久下。復來下。竝空一字。今不空。

送吳成季歸省序。吾徒來京師。居京師。承詔如南。原本來下。居下。承下。竝空一字。今不空。

送達兼善祠祭山川序。原本其警夫四方之使與。下空十五字。以俟。下空一字。今竝不空。

送曾巽堂南歸序。會御史仲子于京師。原本于下空一字。今不空。

贈崔兵部序。往督征稅於京城。見天子于藩邸。原本於下。見下。竝空一字。今不空。

送王叔能守會稽序。原本爲都事下。空三字。以爲然下。察其志下。俱空一字。今竝不空。

贈孟久夫南臺掾序。原本是誠難矣。下空一字。今不空。

贈陳太初序。原本難相竝矣。下空十二字。訖不悟。下空四字。府君與下空一字。今竝不空。

送俞教授回里序。原本而勸學之下。後官下。竝空一字。今不空。

送蔡府尹歸里序。聞于天朝。原本于下空三字。今不空。

送閔思齊調閩府序。與京師相近。今皇元。非上意也。是則世祖之明訓。原本與下。空一字。今下。空

十五字。非下。空一字。則下。空十二字。邇耶下。空七字。今竝不空。

送薛景詢教授常熟序。原本編試下。空一字。遭也。下空九字。藝於下。空一字。今竝不空。

卷第二十四

李慶長御史餞行序。原本有年矣。下。皆朝紳。皆下。竝空一字。今不空。

平章政事王公歸省魯公餞行詩序。原本請于下。字十字。八表下。空三字。後有下。空一字。十月下。

空五字。嘗對下。力事下。始出下。稽首望下。使者傳下。徹于下。俱空一字。維今下。空六

字。今竝不空。

瑞芝亭賦詠序。原本明適承下。空二字。陟降下。空一字。今竝不空。

送彭道士侍親詩序。原本嘉定初下。空一字。餘年下。空八字。宜久下。空一字。今竝不空。

送文子方便安南序。原本郡縣下。空六字。在是下。空九字。遣使下。空一字。通達下。空二字。上于

下。空四字。況於下。空一字。必曰下。空十三字。今竝不空。

送程士安官南康序。視其同郡之仕於朝者。原本於下。空一字。今不空。

送陳景仁調官雲南序。原本在昔下。達於下。俱空一字。必遣下。空二字。今竝不空。曰雲南。鈔本同。

案下云最遠者莫如雲南。此當是四川誤文。然無他本可證。仍之。維世祖。原本維下。空八字。今不空。

送李概之致祠山川序。原本亦難矣下。空十五字。承詔承下。空一字。今竝不空。

送朱君美序。原本至仁宗。至下。空二字。而聖天子。而下。空十四字。維昔下。空四字。君美以下。空十

字。桷官下。空一字。今竝不空。

送陳道士歸龍虎山序。原本獨于下。師入下。竝空一字。今不空。桷初一見之。桷。原本誤物。鈔本作桷。

今改。

送劉生歸鄉試序。原本既久下。空十五字。時來下。空一字。今竝不空。

送陳仲剛序。今朝廷下。詔。原本今下。空五字。今不空。

送洽師歸吳序。見其稱載以歸。稱。原本作稱。鈔本作捆。案說文。禾部。有稱無稱。稱。叢束也。齊語。稱載而歸。

韋注、稱、參也。玉篇、稱、成熟也。手部、捆、取也。齊、等也。織也。扞也。纂、組也。是稱、从困、得聲。聲轉爲苦、本切。非从困、得聲。爲古稱、載正字。至玉篇、乃專訓成熟。而手部、別出捆字。爲捆束義也。序文作稱、其爲稱、誤顯然。今改。

卷第二十五

獻州交河縣先聖廟碑。且請之以詩。鈔本請下有繫字。案碑文云。葉蘇君俾志經始。且請之以詩。無繫字亦賅。似非脫文。

獻州交河縣三皇廟碑。原本謚合下。空四字。維我下。空十字。今竝不空。

奉化州三皇廟碑。原本曰噫下。空二字。今不空。

衢州重脩三皇廟碑。原本三皇祠下。空十五字。僉曰下。空十二字。今竝不空。

饒州安仁縣柳侯廟碑。原本于是下。空二字。敷奏下。空十字。七月下。空七字。今竝不空。

徐州呂梁神廟碑。原本余宦下。空一字。昔世祖昔下。空十四字。以行下。空二字。赫赫下。空十三字。

萬年下。空四字。今竝不空。

奉化州開河碑。原本至州曰下。空八字。宣承下。空一字。今竝不空。碑陰梁家灘下。空二字。今仍空。

許州衡居去思碑。原本七月下。空十二字。今不空。臨潁縣有鄧艾口故地。口。鈔本作屯。望其儀于天朝。原本于下。空十一字。今不空。

華嚴寺碑。原本在憲宗。在下。空六字。時則下。空十二字。庚申下。建國建下。俱空一字。民則下。空十五字。將成下。空九字。陟方下。空十二字。若曰下。空七字。述脩下。冥福下。俱空一字。其以下。空九字。在世祖時。在下。空二字。傳旨。傳下。空一字。維聖人。維下。空六字。旨矣下。空十五字。在是下。空一字。得見下。於赫下。俱空十四字。如埃下。空十字。暨于下。空六字。維皇維下。兆民下。俱空一字。今竝不空。

興福頭陀院碑。原本齊梁下。空十三字。志游下。空一字。今竝不空。大德下。空一字。今仍空。見于下。事於下。俱空四字。皇帝下。空十四字。悉以下。空七字。羣公下。空六字。今竝不空。

卷第二十六

武義將軍梁公神道碑銘。銘。原本無鈔本同。案目錄碑下有銘字。後神道碑下皆然。此脫。今補。原本密白下。十三年下。竝空一字。今不空。

資國院使贈中書左丞順義郡公神道碑銘。原本二十九年下。空十字。今不空。陳公下。空二字。今仍空。軍伍下。空二字。宣上旨宣下。受上旨受下。前曰下。俱空一字。六七返下。空十二字。必忤下。公驛下。俱空一字。以歸下。空八字。征隸寇下。空一字。十一年下。空四字。至大元年下。空十二字。從皇太子從下。空一字。今竝不空。

播州安撫使楊忠宣公神道碑銘。原本職方氏下。成人下。請降下。六年下。以進下。兩被下。

預宴預下、俱空一字。相齒下、空二字。天賦下、空四字。安撫使下、空一字。又安撫使下、空二字。以請下、空一字。效誠下、空十一字。恪事下、空一事、今竝不空。

漳州路同知贈開封郡伯馬公神道碑銘、原本交于下。請于下、竝空一字、今不空。

李裕州神道碑銘、原本至憲宗、至下、空十二字。民見下、空一字。昧死請下、空七字。遠近下、見于下。給事下、預脩下、俱空一字、今竝不空。

東昌路同知蔡公神道碑銘、原本丙辰下、空十字。泰定元年下、空七字、今竝不空。嘉議大夫下、輕

車都尉下。妣某氏下。季曰衡下、竝空二字。適汝上李下、空一字、今仍空。

卷第二十七

同僉太常白公神道碑銘、原本至元中下、空四字。大夫見下。會詔舉會下、俱空一字。薦于下、空三字。今竝不空。辟楸下、空一字、今仍空。

贈翰林學士馬公神道碑銘、原本見知于下、空七字。大父某下、空十四字。而習焉下、空二字。薦于下、空七字。以國語對下。文正公侍下、俱空十三字。精謹下、空十二字、今竝不空。

翰林學士承旨永國閣文康公神道碑銘、原本敷文下、空一字。廉訪使下、空六字。詔于上都下、空五字。召公上都下、空七字、今竝不空。遙授平章政事、授字漫滅、今據鈔本補。侍養下、空二字。罷尙書省時下、空一字。謝不能下、空十三字。宜勿強下、空五字。益稱下、空四字。弊壞下、空十五

字。受知下、空四字。有加下、空十四字。請于下、空一字。維我下、空十四字。薦更下、空八字。今竝不空。

周瑞州神道碑銘。待次歸里。原本里字漫滅。今據鈔本補。與之言論傾倒。鈔本與之下有遊字。

贈吏部侍郎郭公神道碑銘。原本卒于下、空一字。今不空。壽蚤卒。壽鈔本作壽。案上名渥。樹俱从水。壽

當是寫誤。

王氏先塋碑銘。原本將行下、空十三字。由上京傳下、空一字。克稱下、空五字。魯公曰下、空三字。

又附下、空一字。陛下下、空十四字。今竝不空。由毫投汶毫。原本誤毫。鈔本作毫。今改。始事下、空

一字。以矜下、空六字。今竝不空。

邢氏先塋碑銘。銘原本無。鈔本同。案目錄碑下有銘字。今補。原本父子俱受下、空十一字。今不空。

任氏先塋碑銘。原本居寬居某。某字空。今仍空。振于下、空二字。今不空。

卷第二十八

翰林學士嘉議大夫知制誥兼脩國史趙公墓誌銘。原本知下、脩下、俱空一字。入對下、空二字。事世

祖事下、空九字。事陛下事下。於是下、俱空七字。見世祖見下。感動下、俱空八字。而世祖而

下、空九字。維我下、空五字。今天子今下、空九字。今竝不空。

宣寧郡侯劉公墓誌銘。原本莫能稱下、空一字。俾見下、空十二字。壬子春下、空八字。甚習下、空一

字。致事下，空五字。幼事下，空一字。巍巍下，空十四字。今竝不空。

楊府君墓誌銘。首次以富。鈔本以下有壽字。案首當作壽。此與鈔本疑俱誤。無他本可校。仍之。鈞名掣譽。鈞。鈔本作鈞。其受氏爲武夷楊氏。受。鈔本作舅。誤。銖黍充瓶。使善裕。瓶。鈔本作物。

陳縣尉墓誌銘。原本未幾下，空八字。今不空。

靜清處士史君墓誌銘。學者應格，則得未嘗于其人。鈔本得下，空一字。原本不空。案文義疑有脫字。邇後當踵有之。邇。鈔本作爾。

卷第二十九

浦經歷墓誌銘。原本君諱椿字下，空二字。今仍空。薦于下，空一字。今不空。

司天管勾焦君墓誌銘。金汰武時。汰。鈔本作太。案汰武不可解。鈔本疑汰爲太。遂改作太。不知惟晉時蜀成以太武紀年。金無此年號也。汰武或是泰和。以聲近而譌。又誌文下云。始著進士籍。則汰武時或是去兵戎。始興科目耶。無他本可校。仍之。

滕縣尉徐君墓誌銘。原本其所爲詩文也下，空十一字。今不空。

龍興路司獄潘君墓誌銘。原本卒於延祐下，空一字。今仍空。承徵至下，空一字。今不空。

江陵儒學教授岑君墓誌銘。原本時爲下。貴也下。竝空一字。今不空。

河間清鹽使郝君墓誌銘。原本弱冠事下，空十一字。今不空。

翰林學士承旨魯國王文肅公墓誌銘原本其最傳于朝者曰下空十二字。追謚下空八字。太祖册下空十三字。預脩下空六字。定武宗定下空八字。親享下空九字。始天兵始下。同受下。歸于下。請于下俱空一字。今竝不空。

贈特進饒國吳公饒國夫人舒氏墓誌銘原本至大三年下空十二字。奉制書奉下。望闕望下俱空一字。壽八十下。皇帝遵下俱空十一字。請于下空一字。戒其子侍下空七字。允顯下空十字。今竝不空。

卷第三十

壽春副萬戶吳侯墓誌銘原本歲率如是下空十四字。二十四年下空一字。天錫下空十四字。繫帝之功繫下空一字。今竝不空。

許世茂墓誌銘原本上計下空一字。羸羨下空十五字。以稱下空一字。今竝不空。

史景賢墓誌銘出別語於宗親原本語字漫滅今據鈔本補。時官下空一字。今不空。

孔明遠墓誌銘原本延祐下空一字。今仍空。適山陰王塘原本適山二字漫滅今據鈔本補。

僉事范君墓誌銘原本爲掾中書下空十五字。黃巖州下空四字。祖元秦下空一字。今竝不空。

鄭照磨墓誌銘承之競競競競鈔本作兢兢案說文兄部競競也。从二兄二兄競意。从丰聲。讀若矜。一曰

競敬也。玉篇兢冀徵切。兢兢戒慎也。說文云競也。競同上。見說文。是兢競一字。原本爲正。

教授袁君墓表。今天子興文。原本今下。空九字。今不空。

真定安敬仲墓表。原本流俗下。空二字。今不空。

田氏先塋記。原本與桷交下。鄧歸下。竝空一字。今不空。

高夫人葬記。原本至大四年下。空一字。今不空。

卷第三十一

周夫人墓誌銘。原本天鳳來下。空一字。今不空。

方夫人墓誌銘。原本以事狀來下。始光游下。竝空一字。今不空。

盧母王夫人墓誌銘。原本延祐二年下。空十字。其子某來下。空一字。今竝不空。

侯母王夫人墓誌銘。原本父珪仕下。空十四字。悉如下。空一字。實聖天子實下。空六字。伯巖下。空

一字。今竝不空。

定水源禪師塔銘。原本桷先曾大父桷下。院曰定水下。伯父賓州下。竝空一字。今不空。

延慶入法師塔銘。原本延祐下。空一字。今仍空。如矢必鵠。矢。原本誤失。鈔本作矢。今改。

廣恩仁法師塔銘。原本于時我下。越公治下。資楊夫人福資下。福下。臨安下。大師與下。竝空一

字。今不空。間歸胡嚳。嚳。鈔本同。案說文玉篇山部。皆無此字。集中屢見。義與奧同。奧與塙。塙。通。易土

爲山。當是越中俗字。此存原本。餘竝作奧。應公言然下。廣恩崇福下。伯祖吉州下。竝空一字。今不

空。二十有下，空一字，今仍空。

戴道士墓誌銘，原本有桃源宮下，空一字，今不空。

通真觀徐君墓誌銘，原本陟降下，李公某傳下，俱空一字。開府公入下，空十一字。亦以下，空一字。

赫赫下，空十四字，今並不空。

卷第三十二

翰林學士嘉議大夫知制誥同脩國史趙公行狀，原本知下，脩下，俱空一字。知南外宗正事外下，誤空

一字，今並不空。丞相巴延公巴延，原本作伯顏，今改。告於下，釋來下。見於下，俱空一字。上

京下，空八字。自鄂之來下，皆非初下，俱空一字。私擅之罪下，空六字。而宸衷而下，變異下。

公自下，俱空一字，今並不空。後平章政事博果密博果密，原本作不灰木，今改。不能自養下，空

七字。人益知下，空二字。皆請于下，空一字。公時至下，空二字。以公居下，空一字，今並不空。

太傅薊國梁忠哲公行狀，原本爲左丞時下，空一字。給事下，空八字。同見下，空十三字。後當貴下，

空二字，今並不空。遂使從東平忠獻王安圖，原本作安童，今改。二十九年下，空十五字。政

事下，空七字。某當如下，空五字。北京下，空三字。獄中下，空九字。乃悉下，逋負下，屢奏屢

下，俱空一字。大德初元下，空九字。一繩下，空一字。會上會下，空二字。躡年下，空四字。上京

下，空十一字。不敢對下，空二字。九月下，空一字。再覲下，空六字。侍帝侍下，空七字。稱上意，

稱下、空五字。十餘年下、空一字、今竝不空。

翰林承旨王公請諡事狀、原本載與來下、空一字、今不空。至元十一年、原本作二十一年、鈔本無二字。

案下年數次第甚明、此誤衍、今刪。丞相巴延出師、巴延、原本作伯顏、今改。渡江下、空十一字、今不

空。考集目錄宋史異日必脩纂、原本錄宋史三字漫滅、今據鈔本補。歸于下、空一字、今不空。丞

相齊魯國公和爾果斯、和爾果斯、原本作和禮霍孫、今改下同。司直下、空三字、今不空。丞相阿哈

瑪特敗、阿哈瑪特、原本作阿合馬、今改。少卿下、空四字。陞辭下、空一字、今竝不空。故相僧格嫉

公命、與故平章魯公博果密檢責燕南逋負、僧格、原本作桑哥、下同。博果密、原本作卜忽木、今竝改。

翰林侍下、空一字。三十一年下、空十三字。升遐下、空十二字。次定下、空二字。命譔下、空十二

字。纂脩下、空十四字。柳林下、空七字。昔奉下、七年下。承旨承下。復脩下。遭逢下。里

士下、俱空一字。服衆下、空十二字。尊諡下、空四字。公譔下、空十二字。太祖下、空十四字。正

月譔下、空二字。公在下。凡累朝凡下。竊惟下、俱空一字、今竝不空。

李司徒行述、原本有以其名聞于下、空三字。將歸下。翰林承下、俱空一字。侍御史下、空十五字。

願因下、空一字、今竝不空。

澤國鄭忠宣公行狀、原本攜見於下、空十一字。死難下、空十字。十九年下。明年從下、俱空一字、今

竝不空。鄭制宜死、鈔本脫宜字、案制宜、卽忠宜之名。元史作而父死難、謂鄭鼎也。鼎諡忠毅、行狀前

亦云忠毅遇寇死難。此云制宜誤。師還下。春駕如上京春下。俱空一字。奇功下。空三字。公入辭下。空八字。汗乎下。空六字。至和下。空七字。其衆下。空四字。鉅創下。空一字。入言于下。空十字。愨厚下。空五字。今竝不空。

特封饒國吳公行述。原本玄德扈下。張公入下。俱空一字。歸省下。空十二字。七十下。空十四字。玄德奉下。空一字。八十下。空二字。天子遵下。空十三字。復降下。空一字。今竝不空。

卷第三十三

西山阡表。原本我大父我下。空一字。是爲下。空十二字。癸亥下。空六字。會稽郡伯下。空一字。薦于下。空九字。史夫人卒下。病且革下。幼子下。于時下。而大父而下。語曰下。繫汝下。縣丞下。紹定四年下。悉以下。開國子下。維我下。而先處州而下。合葬焉下。太保下。魯國夫人下。衛國公下。齊國夫人下。越國公下。俱空一字。入皇元入下。空三字。孫女一下。由越公始至于大父。由下。于下。俱空一字。今竝不空。甲子下。月下。竝空一字。今仍空。先大夫行述。原本贈少保下。以逝下。齊國夫人下。坐廢下。周國夫人下。以越公以下。懼失下。先子下。竝空一字。今不空。復奏爲沿海制置使參議官。原本置字漫滅。今據鈔本補。居無何下。程公奉下。五十有四下。不敢受下。調官下。竝空一字。今不空。太平州判官下。空二字。今仍空。痛惟下。空一字。今不空。

師友淵源錄。原本張卽之條。善本下。胡太初條。同其父下。應文煒條。已去下。吳浚條。嘗薦下。陳蒙條。夜別下。程鉅夫條。時奉下。謝昌元條。入朝入下。俱空一字。青陽夢炎條。仕元朝仕下。空七字。留夢炎條。事見下。薦先子薦下。趙與票條。與先子與下。官京師官下。俱空一字。今竝不空。先夫人行述。原本于先夫人于下。每待下。又曰下。與汝下。汝祖母汝下。病瘳下下。是月下。捐館下。無祿下。大門下。無此客下。謝公下。三十有三年下。慈溪與之原下。府事下。衛國公下。越國公下。通仕郎下。與先夫人與下。竝空一字。今不空。亡妻鄭氏事狀。原本不復出仕下。注目不聽去下。癸酉歲下。兵難作下。無間言下。散燬下。而我下。振植下。從官下。是爲下。曾孫下。嫡孫下。竝空一字。今不空。外祖母張氏墓誌。原本作記。案目錄作誌。文後云謹誌。則記爲誌。誤文明矣。今改。原本次卽下。歸于我下。貴顯下。多留下。又未幾下。育之下。竝空一字。今不空。排斥詬詈戶之。戶原本鈔本同。或改尸。案宣十二年左傳。王見右廣將從之乘。屈蕩尸之。杜注。尸止軍中易乘。則恐軍人識。阮氏校勘記云。石經。宋本。淳熙本。岳本。尸作戶。是也。按漢書王嘉傳注。李善文選范蔚宗宦者傳論注。引竝同。錢大昕跋余仲仁校刻左傳本云。家藏淳熙九經。及長平遊御史巾箱小本。俱作戶字。又顧氏補正曰。古人以守戶之人謂之戶者。取其能止人也。漢書樊噲傳。詔戶者無得入羣臣。王嘉傳。坐戶殿門失闕。免。唐書李紳傳。擊大毬。戶官道。車馬不敢前。皆此意也。據此則左傳尸爲戶。誤明矣。誌文本此。或改非。

至元二十四年二月下。空三字。今仍空。葬于下。空一字。今不空。吾不知易何圖可合。原本知易二字漫滅。今據鈔本補。以孤兒傳下。空一字。今不空。

卷第三十四

徐師顏傳。原本至元十四年下。其子革留下。竝空一字。今不空。

蕭御史家傳。原本入京師入下。是知下。竝空一字。今不空。我輩何自。自鈔本同。疑作事。至元二十

八年下。空五字。改元下。空二字。奉詔奉下。迎詔迎下。俱空一字。前問下。空三字。卻立曰下。

願聞下。款附下。授詔授下。讀詔讀下。皇帝下。皇太后下。皆本朝地皆下。會詔會下。俱

空一字。今竝不空。海南都元帥色徹肯。色徹肯原本作薛閣干。今改。有詔有下。言非下。留京

師留下。竝空一字。今不空。

孫孝子傳。原本上其行于下。空一字。今不空。

韓威敏公家傳。原本益都爲下。空一字。今不空。達春大王鎮遼東。達春原本作塔察。今改。告于下。空

十二字。今不空。姜衛國王領兵。姜衛原本作相威。今改。不得領下。空七字。始曰下。空六字。莫

敢諱下。統屬下。俱空一字。今竝不空。嘉議大夫下。空一字。今仍空。

玄教宗師張公家傳。原本過之下。空十一字。晏如也下。空七字。幄殿下。空十一字。召見于下。空五

字。而奏對而下。北巡下。俱空一字。上與下。空十四字。日月山下。空六字。遂愈下。空十三字。

其文曰下、空二字。密啟下、空十三字。願殿下、願下、空一字。後上大悟、後下、空四字。奉詔奉下。以進下。刻于下、俱空一字。七月下、空三字。是爲下、空十字。武宗下、空一字。二年下、空十四字。今二帝今下、空八字。今竝不空。丞相僧格敗。上欲相諤勒哲。原本僧格作桑哥。今改。敗下空一字。今不空。諤勒哲作完澤。今改。下同。辭也下、空二字。通惠河下。三十一年下、俱空一字。遣內侍諭下、空九字。善事下、空一字。卽帝位。是爲成宗皇帝。卽下、空七字。爲下、帝下、俱空十二字。祕祝下。皆上皆下。二品下、俱空一字。以請下。八年下、俱空二字。十年下、空一字。十一年下、空四字。還宮下、空六字。時仁宗時下、空十五字。嘉禧殿下。未有對下、俱空二字。遂制下、空一字。文曰下、空十五字。際遇下、空二字。辱聖明、辱下、空一字。不朽下、空二字。七年下、空十一字。遵累聖、遵下。再降下、俱空一字。日月山下、空三字。至元末歲下、空十字。不快於御史臺下。言御史臺下、俱空三字。以真人下。承詔承下。以璽書以下、俱空一字。泰定二年下、空十五字。在御在下。至于下、俱空一字。今竝不空。

拜珠元帥出使事實。拜珠原本作拜住。今改。文中竝同。奉世祖旨。奉下、空一字。奉承宗旨。奉下、空十二字。皇慶二年下、空六字。今竝不空。且俾往哈喇班第王所議事。至中途。遇額森布哈王。原本哈喇班第作哈兒班答。下同。額森布哈。作也先不花。今竝改。今上所遣。今下、空二字。今不空。阿必實克。至是。阿必實克原本作阿必失哈。下同。今改。哈兒班答王下。乃曰有下。取璽書取下。俱空一

字。在昔下、空十二字。聞在下、空五字。吾欲遣汝詣下、空一字。先王嘗遣汝詣下、空二字。所具下。入朝下、俱空一字。上曰下、空七字。既受下。信于下、俱空一字。維昔下、空六字。嘗喻下、空十一字。奏于下。歸于下。見于下。遣使下。爲語下。善奏於下。拜住入下、俱空一字。今竝不空。

卷第三十五

昭憲元聖皇后謚册文。原本欽惟下、空四字。謚曰下、空五字。今竝不空。

英宗皇帝謚册文。原本欽惟下、空六字。謚曰下、空九字。廟號下、空八字。今竝不空。

皇后册文。原本咨爾下、空五字。今不空。

特命右丞相詔。今特命中書左丞相拜珠。拜珠。原本作拜住。今改。

戒飭曲阜廟學詔。嚴汎掃。汎。原本作汎。鈔本同。案文本禮記。當作汎。今改。

試進士策問。延祐五年。原本朕承下、空十五字。今不空。

試進士策問。泰定元年。原本維我下、空十二字。若稽下、空三字。何策下、空一字。今竝不空。

立皇太子告太廟祝文。原本告下、空一字。聿嚴下、空四字。今竝不空。

司天臺祭告氏宿祝文。象緯或凌。原本象字漫滅。今據鈔本補。

興聖宮上梁文。原本欽惟下、空十四字。拱北下、空四字。今竝不空。

皇太后寢殿上梁文。原本順承下，空四字。紫躔下，空一字，今竝不空。
普慶寺後殿上梁文。原本惟我下，空十字，今不空。

卷第三十六

翰林學士承旨閣復贈永國公。原本維昔下，空八字，今不空。

翰林學士承旨劉廣妻廖氏封邢國夫人。惟儉素足以久安。原本素下，誤空一字，今不空。

集賢侍讀學士李侗祖母張氏贈冀寧郡夫人。原本可稽下，空五字，今不空。

父昱追封冀寧郡公。惟先朝宣力之臣。原本惟下，空一字，今不空。

集賢大學士李謙贈魯國公。原本祚衍皇圖下，空十二字，今不空。疏傳十事之簡嚴。碑板華夏。原本

事字。華字。竝漫滅。今據鈔本補。

湖廣行中書省左丞相阿爾哈雅追封太師郡王。阿爾哈雅。原本作阿力海涯。今改。皇威震電下，空五

字。今不空。

中書左丞某曾祖某追封高昌郡公。疏封舊寓。寓原本誤寓。鈔本作寓。今改。

監察御史沙某封贈祖某。原本今贈下，空四字。今仍空。

播州安撫使楊漢英贈平章政事播國公。原本效誠下，空一字。今不空。

右丞相拜珠贈太師東平王拜珠。原本作拜住。今改。竟墮承宗之計。原本墮下，空二字。鈔本作承宗。案

此用王承宗刺殺武元衡事。今補。

卷第三十七

太傅右丞相巴延贈太師開府儀同三司。原本巴延作伯顏。今改。司下空四字。今仍空。

平章政事廉希憲母某氏贈國夫人。原本贈下空一字。今仍空。

呼圖克台默色公主追贈魯國大長公主。原本呼圖克台默色作忽答的迷失。下同。今改。魯字空。今補。說

見目錄。益深下空一字。今不空。

參知政事賈某贈官。皆先帝欲言之旨。原本皆下空一字。今不空。

參知政事趙世延贈曾祖母氏雲中郡夫人。原本母下空一字。今仍空。

集賢大學士張晏祖英追封魏國公。遇真主之龍興。原本遇下空一字。今不空。

二茅君加封真君。誠慕深於漢文。慕深。鈔本作深慕。

吳全節特進上卿玄教大宗師。原本維列聖維下。年之下。竝空一字。今不空。

邵靈瑞特追封宗師。女偶朝徹。偶鈔本同。或改踣。案偶字說文玉篇皆無。此本莊子大宗師文。陸氏音義

云。偶徐音禹。李音矩。一云是婦人也。或改非。

盧行益襲封真人。惟簡素者。惟鈔本作而。誦赤松中誠之經。原本誦字漫滅。今據鈔本補。

毛穎達封真人。原本維昔下空二字。今不空。

卷第三十八

進五朝實錄表。原本進下空一字。欽惟下空十四字。今竝不空。

賀冊皇太子表。原本賀冊下空一字。下同。欽惟下空十四字。今竝不空。

賀正旦表。原本欽惟下空十四字。今不空。

賀武宗皇帝登極表。原本賀下空一字。今不空。下賀皇太后表。賀聖節表。賀皇太后冊寶禮成表。賀皇太

后正旦表。賀太皇太后正旦表。賀皇太子受冊牋。賀皇太子正旦牋。賀皇后正旦牋。賀下竝同。

賀正旦表。本院本原本推五始之大原下空一字。今不空。

全德泰寧福慶皇太后尊號冊寶禮成賀皇帝表。原本賀下。而天子必有所尊。而下竝空一字。今不空。

賀冊皇太子表。喜溢龍顏。溢原本誤液。鈔本作溢。今改。

冊皇太子賀皇太后表。原本冊下。賀下。竝空一字。今不空。

進仁宗皇帝實錄表。原本進下空一字。欽以下空二字。以候下。而娛下俱空一字。欽惟下空四

字。書後小字伏覩下空十字。嘗進下空二字。今竝不空。

又原本欽惟下空十字。今不空。

賀皇太子正旦牋。集賢院叶皇祖建元之祚。原本叶下空十一字。敬惟下空三字。今竝不空。

卷第三十九

謝王尙書韋弦之義上。鈔本有反覆二字。此疑脫。
回宗人袁慶遠教授。原本伏惟下空十字。今不空。
回交代潘檢閱。白虎觀之談經。原本觀之談三字漫滅。今據鈔本補。
賀吳編脩。編脩內翰上。鈔本有伏以二字。此疑脫。
賀鄧善之脩。望風隨其臧否。臧原本誤藏。鈔本作臧。今改。而溫伯輒草廿二麻。溫伯。鈔本作伯溫。
謝程承旨。原本然後爲下空一字。今仍空。

卷第四十

回韓知州。原本形弓昭下空十一字。今不空。
壽史允叟副楮。別陳下原本空二行。今不空。
堃甥定鄧氏。原本伏承某封下空三字。今仍空。
次女許適趙氏。伏以漢庭甲乙。伏以二字。鈔本無。
瑾請婚史氏。原本某官某封下空三字。今仍空。
趙太社刻春秋法度編。疏莫掇於衰頹。頹原本誤顏。鈔本作頹。今改。
戴先生刻遺文疏。夫旣人慕其學。旣人原本作人旣。鈔本作旣人。案夫旣與下是宜爲對文。原本誤倒。今改。

壽國堂師住廣恩疏。維樞庭奉先而結構。原本維下空一字。今不空。溥洞下之旨益密。溥原本誤溥。鈔本作溥。今改。

儀師住天台飛瀑寺疏。拾枯薪而煑茗。拾原本誤捨。鈔本作拾。今改。

卷第四十一

進郊祀十議狀。原本楠近奉下。空十三字。拜命以來。拜下。空一字。上報下。空二字。思念下。空十五字。實惟下。空一字。備皇朝之禮。備下。空十三字。翰林下。空一字。今竝不空。

昊天五帝議。何憂不能寒暑節風雨時。鈔本作何憂不能風雨節寒暑時。案禮記禮器饗帝於郊。而風雨節寒暑時。前已引此。復本其義爲說。不妨少異。非誤易也。仍之。

祭天名數議。則歌哭而請哭。原本作笑。鈔本作哭。案周禮春官女巫文作哭。原本誤。不若鄭氏之置疑。鄭原本誤毛。鈔本作鄭。今竝改。

圓丘議篇末注。地示出下。鈔本空二字。原本不空。案地示上當有方丘二字。

郊不當立從祀議。王莽之政也。此又不得混而爲一。原本也字。而爲字。竝漫滅。今據鈔本補。

國學議。而國朝國學定制。原本而下空一字。今不空。

脩遼金宋史搜訪遺書條例事狀。是則先朝屢命。獲際聖朝。原本則下。際下。竝空一字。今不空。第九條宰輔拜罷錄。原本作宰輔拜表罷錄。鈔本同。案宋史藝文志。范仲宰輔拜罷錄二十四卷。表字衍。今

刪 宰輔編年錄。錄原本無鈔本同。案藝文志徐自明宰輔編年錄二十卷。今補。末條猶能記憶。憶原本誤臆。鈔本作憶。今改。原本以稱下。翰林下。竝空一字。今不空。

卷第四十二

大都鄉試策問。原本無泛冗歟下。空九字。今不空。

會試策問。我國家隆平百年。原本我下空一字。今不空。

答高舜元春秋七問。第六條。子般之例見之是也。見鈔本作兄。案公羊莊三十二年經。冬十月乙未子般卒。傳曰。子卒。云子卒。此其稱子般卒。何君存。稱世子。君薨。稱子某。既葬。稱之。穀梁傳云。子卒。日正也。不日故也。有所見。則曰。此公穀稱子例也。作見是。

答高舜元春秋四問。第二條。問叛晉而起楚師。楚原本作曹。鈔本同。案左傳是起楚師。第四條。問與楚椒秦術無異稱焉。與楚椒秦術之使。楚原本竝作曹。鈔本竝作楚。案下答詞。卽云吳札楚椒。此誤。

答不攻而自破矣。攻原本誤攷。鈔本作攻。今竝改。

答高舜元經史疑義十二問。第十二條。至若見危忘身。忘原本誤亡。鈔本作忘。今改。

答高舜元十問。第九條。楊文公揚。原本誤揚。鈔本作楊。今改。

卷第四十三

祭李兩山謏言腐談。謏原本誤謏。鈔本作謏。今改。

祭胡梅澗先生訪先子於城南原本訪下空一字今不空。

祭戴先生承先子之命原本承下爰久下往歲下竝空一字今不空。

祭楊內翰文知制誥同脩國史原本知下脩下鋪宣下竝空一字今不空。

祭王瓠山承旨原本晚歲在下明有下竝空一字今不空。

祭吳饒公原本書來下實多下竝空一字今不空。

祭黃仲正原本維我下與酬下竝空一字今不空。

祭袁府君原本維正獻之模範維下鵠立下陟帝廷陟下僂乎下竝空一字今不空。

祭張宗師原本際遇下空一字今不空。

祭外祖原本淳祐辛亥下我外大父我下維嚴州維下歸處州歸下味昏下丙寅下三十

有三年下久宦下以上恩以下竝空一字今不空。

己未封贈祝文原本謹奉下空一字今不空。

癸亥封贈告廟祝文原本今祗承下空一字今不空。

追封祝文原本叨塵二品下空十字今不空。

立碑告墓祝文尙書之澤原本尙字漫滅今據鈔本補。

放生池祝聖文。原本恭惟下，空十四字，今不空。
史文振字說。佐上聖合寓縣。原本佐下，空一字，今不空。

卷第四十五

皇姑魯國大長公主圖畫奉教題。原本奉下，空三字，今不空。

魯國大長公主圖畫記。原本三月甲寅下，空八字。其王府之寮案，其下空一字，今竝不空。

卷第四十六

書孝宗賜史忠定王襄賢臣頌後。爲國朝史官。原本爲下，空二字，今不空。

書陸子履賀復熙河詩後。厥今皇圖。原本今下，空一字，今不空。

跋定武禊帖不損本。第五條性命可輕性。原本誤姓。鈔本作性。今改。

書梅聖俞詩後。敬觀詩帖精思以求。原本帖精二字漫滅。今據鈔本補。

題劉共甫與朱文公書。而其文詞詔示于後。原本詔字漫滅。今據鈔本補。

題子昂書靈寶經。每謂歐褚而下不足論。褚原本作楮。鈔本同。案當作褚。今改。

跋富韓公帖。韓鈔本作鄭。案宋史富弼傳。弼初封祁。後改鄭。進封韓國致仕。韓是從其最後之稱。作鄭。非

是。

跋蔡忠惠帖。凜凜有清介之氣。原本有字漫滅。今據鈔本補。

陸放翁答杜賢良求試牒書。試牒原本作牒試。鈔本同。案文中作試牒。目錄亦作試牒。此誤倒。今改。

卷第四十七

題定武損本。當宜和流觴亭成。有旨從薛嗣昌宣索。內侍梁師成暮夜亟以蟬翼三紙連覆。原本成有旨從薛嗣六字。師成暮夜亟以六字。竝漫滅。今據鈔本補。

跋玉筍觀李後主牒。宋史特諱不言耳。原本特諱不三字漫滅。今據鈔本補。

李成寒林。余留京師。導尊號玉冊置省中。原本留下。導下竝空一字。今不空。

題李伯時馬性圖。原本惟我下空十五字。不足以稱下。空十三字。今竝不空。

書進修堂往還尺牘。原本始曾大父始下。後伯祖通判後下。判下。郎省下。而越公而下。歸里下。

暨正獻公薨下。竝空一字。今不空。

書馮將軍翠峯詩後。微正獻公直筆以行遺事。行。鈔本作紀。案疑當作存。原本桷曾大父桷下。射譜下。竝空一字。今不空。

卷第四十八

書張忠烈王傳後。崇德植學以自表著。原本以自二字漫滅。今據鈔本補。

書鄭潛庵李商隱詩選。原本客京師。客下空一字。今不空。

書朔齋送弟牧翁十絕後。原本于時下。空一字。今不空。

書胡評事夢昱印紙。原本嘗讀下。度嶺下。來京師來下。竝空一字。今不空。

書吳景山樂府。原本佐金陵闕府時下。博士下。桷客下。并志下。竝空一字。今不空。

書黃彥章詩編後。空卷恣睢。卷原本作券。鈔本作拳。案此本漢書李陵司馬遷傳張空卷。攷司馬遷傳注。

李奇曰。券。弩弓也。師古曰。券音丘。權反。讀者迺以拳擊之。拳大謬矣。拳則屈指不當言。張陵時矢盡。故

張弩之空弓。非是手拳也。據此當從鈔本作拳。然空拳二字不根。又遠跋文所本。券爲倦字。其爲字形

相涉而誤顯然。今從漢書改。原本桷來下。于吳下。竝空一字。今不空。

書謝道士歸洞庭詩卷後。原本北游下。空一字。今不空。

書張侍郎孫祖傳存靖齋銘後。原本靖念下。空一字。今不空。

書鄭魯公全拙齋銘後。原本念昔下。桷以下。竝空一字。今不空。

書高密鄭節婦傳後。原本此殆其遺意也下。空一字。今不空。

吳饒公制書跋。原本斯近之矣下。空十三字。使知下。空十一字。今竝不空。

書廬蕭蕭煥有救荒策後。民益惰。惰原本誤墮。鈔本作惰。今改。原本來京師來下。以自便下。竝空一

字。今不空。

書余國輔詩後。下於唐。鈔本作下。迄於唐。疑此誤脫。

書杜東洲詩集後。原本觀光於下。空一字。今不空。

卷第四十九

書虞伯生送周南翁序後。原本十年下。空三字。今不空。朝廷作圓丘。原本誤圖。鈔本作圓。今改。原本陳于下。空八字。今不空。唯諾惟謹。原本誤謹。鈔本作諾。今改。

書凌生功課曆後。原本無以五十百步爲也下。空三字。今不空。

書虞伯生從子豐登字說後。原本同官于下。空一字。今不空。

書括蒼周衡之詩編游京師。原本游下。空一字。今不空。故余力敍詩學之源委。力。鈔本作歷。

跋子昂贈李公茂詩。阮公服常白。白。鈔本作曰。案服當作眼。白字似不誤。

跋宜春夏君與上饒陳先生文蔚講經書。問以進士來京師。原本來下。空一字。今不空。

題何子方丹書後。子方鈔本同。文中作大方者二。而目錄亦作子方。疑誤。

書江陵唐氏族譜後。居京師二十年。原本居下。空一字。今不空。

書姚牧庵贈播州楊安撫。漢英樂府。原本預修下。空六字。思播楊侯下。空一字。今竝不空。

書葉信公家問後。原本嘗獲識于下。空一字。今不空。

書朱氏精舍圖詩卷說。齊唐與政。齊。鈔本作齋。

書楊御史奏藁後。原本方今下。空八字。今不空。

書赫合哩通甫詩後。赫合哩堯臣。赫合哩。原本竝作紇石烈。今改。

書郝伯常經題黃鶴樓水龍吟後。原本後回下。空一字。今不空。
書張子仁少監族譜後。而京師益以羨。原本而下空一字。今不空。

卷第五十

跋正肅公手澤。吾宗由宋仁皇時。光祿公穀與祥符縣丞同舉開封。原本時下。丞下。封下。兵變下。祥符孫下。是生下。而光祿公而下。至正獻公至下。辛丑第下。衛公之子下。越公從下。受學于下。癸卯歲下。於是見之下。正肅公見下。還里曰下。曰大資同知曰下。竝空一字。今不空。

題從子瑛城門八詠。原本則曰我下。見吾下。中散公下。竝空一字。今不空。

跋外高祖史越王尺牘。題注慰區區之所期待。慰。原本誤尉。鈔本作慰。今改。

跋汪龍溪外制草。甚於奉天之感泣。不幸爲秦氏子。擯斥遠道。原本感泣。不幸四字漫滅。今據鈔本補。

書劉貢父舍人種竹倡和詩後。姤遯之基已萌。基。鈔本作機。

書蒲傳正左丞帖。原本遂以下空一字。今不空。

跋柳公權書清靜經。此籤標光皇手題。標。原本作標。鈔本作票。案說文。手部。標。擊也。玉篇同。木部。標。木杪末也。玉篇云。木末也。顛也。又標。舉也。說文。火部。票。火飛也。玉篇同。原本鈔本竝誤。今從玉篇改。

跋顏真卿誥。原本後入祕書省下。空一字。今不空。

書舊作九華臺賦後。來京師。原本來下。空一字。今不空。

跋吳丞相繳京湖帥賻陳清敏帖。原本嘉祐十一年下。空一字。今不空。

書世綸堂雅集詩卷。覽先郡公之遺墨。原本覽下。空一字。今不空。

題樂生詩卷。則亦有徑庭矣。庭。原本誤廷。鈔本作庭。今改。

書吾子行篆書陰符經。而吾子行復書之何耶。吾。原本竝作吳。標題或改吾。文中未改。鈔本竝作吾。案目錄作吳。鈔本亦作吾。攷輟耕錄。吾子行名衍。太末人。工篆書。或改是。今從之。

題雲岡圖詩卷。原本而久居下。空一字。今不空。

書馬元帥救荒事實後。原本將參預于下。空一字。今不空。

書大般若經關後。至皇元泰定甲子。原本至下。空十五字。今不空。

書禪林備用。宗達摩之學。摩。原本作磨。鈔本同。案維摩曇摩跋摩達摩等字。古皆从手。又舊唐書僧神秀傳。昔後魏末有僧達摩者。本天竺王子。以讓國出家。入南海。得禪宗妙法。又宋史藝文志。有達摩血脈

一卷。僧慧可達摩血脈論一卷。正作摩。原本鈔本竝誤。今改。

題雪竇潛師語錄後。原本用潛師住清涼下。空一字。今不空。